

欽定史記

卷之十  
四九七

史記卷四十九

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

外戚世家第十九

**索隱**外戚紀后妃也后族亦代有封爵故也漢書則編之列傳中王隱則謂之紀而在列傳之首

自古受命帝王及繼體守文之君

**索隱**繼體謂非創業之主而是嫡子繼先

帝之正體而立者也守文者猶法也謂非受命創制之君但守先帝法度爲之主爾非獨內德茂

也蓋亦有外戚之助焉

索隱謂非獨君德於內茂盛亦有賢后妃外戚之親以助教化

也夏之興也以塗山

索隱韋昭云塗山國名禹所娶在今九江應劭曰九江當塗有禹墟

禹娶塗山氏之女憍生啟

而桀之放也以末喜

索隱國語桀伐有施人以末喜女焉

集解韋昭曰有施喜姓之國末喜其女也

殷之興也以有娥

索隱有娥國名其女簡狄吞燕

卵而生契故詩云天命玄鳥降而生商是也

紂之殺也嬖妲己

索隱國語殷辛伐有蘇有

蘇氏以妲己女焉按有蘇國也已姓也妲字也包愷云妲音丁達反

周之興也以姜原及

大任

索隱系本云帝嚳上妃有邠女之女曰姜原鄭玄箋詩云姜姓嫫名履大人跡生后稷大任文王之

母故詩云摯仲氏任毛詩云摯國任姓之中女也

而幽王之禽也淫於褒姒

索隱

國語曰幽王伐有褒有褒人以褒姒女焉按褒是國名姒是其姓卽龍漦之子褒人育而以女於幽王也然此

文自夏之興至褒姒皆是史蘇之詞見國語及列女傳

故易基乾坤詩始關雎書

美釐降春秋譏不親迎

索隱

公羊紀裂繻來逆女傳曰外逆女不書此何以書譏何譏

爾始不親迎也

夫婦之際人道之大倫也禮之用唯婚姻爲兢

兢夫樂調而四時和陰陽之變萬物之統也

索隱

以言若樂聲調

能令四時和而陰陽變陰陽變則能生萬物是陰陽卽夫婦也夫婦道和而能化生萬物萬物人爲之本故云萬物之統也可不慎與人能弘道無如命何甚哉妃匹之愛

索隱

妃音配又如字

君不能得之於臣

索隱

以言夫婦親愛之情雖君父之尊而不奪臣子

所好愛使移其本意是不能得也故曰匹夫不可奪志也

父不能得之於子况卑下

乎旣驩合矣或不能成子姓

索隱

鄭玄註禮記云姓者子姓謂衆孫也卽趙飛鷺

等是也

能成子姓矣或不能要其終

索隱

按謂有始不能要其終也以言雖有

子姓而意不能要終如栗姬衛后等是也

豈非命也哉孔子罕稱命蓋難言

之也非通幽明之變惡能識乎性命哉

索隱惡音烏猶於何也

太史公曰秦以前尚略矣其詳靡得而記焉漢興呂娥

姁

集解徐廣曰姁音况羽反呂后姊字長姁

索隱為高

祖正后男為太子及晚節色衰愛弛而戚夫人有寵

漢書云得定陶戚姬其子如意幾代太子者數矣及高祖崩呂氏

夷戚氏誅趙王而高祖後宮唯獨無寵疎遠者得無恙

索隱爾雅云恙憂也一說古者野居露宿恙噬人蟲也故人相恤云得無恙乎呂后長女為宣

平侯張敖妻敖女為孝惠皇后

索隱皇甫謐云名媽

呂太后以重

親故欲其生子萬方終無子詐取後宮人子為子及孝

惠帝崩天下初定未久繼嗣不明於是貴外家王諸呂

以爲輔而以呂祿女爲少帝后欲連固根本牢甚然無

益也高后崩合葬長陵

集解駟案關中記曰高祖陵在西呂后陵在東漢帝后同塋則

爲合葬不合陵也諸陵皆如此

祿產等懼誅謀作亂大臣征之天誘其

統

集解徐廣曰一作衷

卒滅呂氏唯獨置孝惠皇后居北宮

案隱在未

央北故曰北宮正義括地志云北宮在雍州長安縣西北十三里與桂宮相近在長安故城中

迎立代

王是爲孝文帝奉漢宗廟此豈非天耶非天命孰能當

之

薄太后父吳人姓薄氏秦時與故魏王宗家女魏媼通

案隱媼音烏老反然媼是婦人之老者通號故趙太后自稱媼及劉媪衛媪之屬是也

生薄姬而

薄父死山陰因葬焉

案隱顧氏按冢墓記薄父冢在會稽縣西北禱山上今猶有兆域禱

音莊洽反  
**正義** 括地志云機山在越州會稽縣西北三十一里一名稷山機音莊洽反

及諸侯畔秦

魏豹立爲魏王而魏媼內其女於魏宮媼之許負所相相薄姬云當生天子是時項羽方與漢王相距滎陽天下未有所定豹初與漢擊楚及聞許負言心獨喜因背漢而畔中立更與楚連和漢使曹參等擊虜魏王豹以其國爲郡而薄姬輸織室豹已死漢王入織室見薄姬有色詔內後宮歲餘不得幸始姬少時與管夫人趙子兒相愛約曰先貴無相忘已而管夫人趙子兒先幸漢王漢王坐河南宮成臯臺

按是河南宮之成臯臺漢書作成臯靈臺西征記云

武牢城內有高祖殿西南有武庫也  
**正義** 括地志云此洛州汜水縣古東虢州故鄭之制邑漢之成臯縣也

兩美人相與笑薄姬初時約漢王聞之問其故兩人具以實告漢王漢王心慘然憐薄姬是日召而幸之薄姬曰昨暮夜妾夢蒼龍據吾腹高帝曰此貴徵也吾爲女遂成之一幸生男是爲代王其後薄姬希見高祖高祖崩諸御幸姬戚夫人之屬呂太后怒皆幽之不得出宮而薄姬以希見故得出從子之代爲代王太后太后弟薄昭從如代代王立十七年高后崩大臣議立後疾外家呂氏彊皆稱薄氏仁善故迎代王立爲孝文皇帝而太后改號曰皇太后弟薄昭封爲軹侯

軹縣在河內恐

地遠非其封案長安東有軹道亭或當是所封也

薄太后母亦前死葬櫟陽北



於是乃追尊薄父爲靈文侯會稽郡置園邑三百家長  
丞已下吏奉守冢寢廟上食祠如法而櫟陽北亦置靈  
文侯夫人園如靈文侯園儀薄太后以爲母家魏王後  
早失父母其奉薄太后諸魏有力者於是召復魏氏及  
尊賞賜各以親疏受之薄氏侯者凡一人薄太后後文

帝二年以孝景帝前二年崩葬南陵

案隱按廟記云在霸陵南十里故謂

之南陵按今在長安東澁水東原上名曰少陰在霸陵西南故曰東望吾子西望吾夫是也

陵故縣在雍州萬年縣東南二十四里漢南陵縣本薄太后陵邑陵在東北去縣六里以呂后會

葬長陵故特自起陵近孝文皇帝霸陵

案隱徐廣曰霸陵縣有軹道亭

竇太后

案隱皇甫謐云名猗房

趙之清河觀津人也

正義在冀州棗強縣東北

二十里呂太后時竇姬以良家子入宮侍太后太后出宮

人以賜諸王各五人竇姬與在行中竇姬家在清河欲

如趙近家請其主遣宦者吏謂宦者爲吏主發遣宮人也必置我

籍趙之伍中宦者忘之誤置其籍代伍中籍奏詔可當

行竇姬涕泣怨其宦者不欲往相彊乃肯行至代代王

獨幸竇姬生女嫫紫隱嫫音正消反後生兩男而代王王后生

四男先代王未入立爲帝而王后卒後代王立爲帝而

王后所生四男更病死孝文帝立數月公卿請立太子

而竇姬長男最長立爲太子立竇姬爲皇后女嫫爲長

公主其明年立少子武爲代王已而又徙梁是爲梁孝

王竇皇后親早卒葬觀津

擊虞注決錄云竇太后父少遭秦亂隱身漁釣墜泉

而死景帝立太后遣使者填父所墜淵起大墳於觀津

城南人閒號爲竇氏青山正義括地志云竇少君墓在冀州武邑縣東南二十七里於是薄太后乃詔有司追尊竇后父爲

安成侯母曰安成夫人令清河置園邑二百家長丞奉

守比靈文園法竇皇后兄竇長君索隱決錄云建字長君弟曰竇

廣國字少君少君年四五歲時家貧爲人所略賣其家

不知其處傳十餘家至宜陽爲其主入山作炭寒臥岸

下百餘人岸崩盡壓殺臥者少君獨得脫不死自卜數

日當爲侯從其家之長安索隱謂從逐其宜陽之主人家而皆往長安爲居也聞

竇皇后新立家在觀津姓竇氏廣國去時雖小識其縣

名及姓又常與其姊採桑墮用爲符信上書自陳竇皇

后言之於文帝召見問之具言其故果是又復問他何

以爲驗對曰姊去我西時與我決於傳舍中

案隱決別也傳音轉

傳舍謂郵亭傳置之舍蓋竇后初入宮時別其弟於傳舍之中也

巧沐沐我

案隱巧音蓋巧者乞

也沐米潘也謂乞潘爲弟沐也

請食飯我乃去於是竇后持之而泣泣

涕交橫下侍御左右皆伏地泣助皇后悲哀乃厚賜田

宅金錢封公昆弟家於長安

案隱公亦祖也謂皇后同祖之昆弟如竇嬰卽皇后

從昆弟子之比亦得家於長安故劉氏云公昆弟謂廣國等也

絳侯灌將軍等曰吾屬

不死命乃且縣此兩人兩人所出微不可不爲擇師傅

賓客又復效呂氏大事也於是乃選長者士之有節行

者與居竇長君少君由此爲退讓君子不敢以尊貴驕

人竇皇后病失明文帝幸邯鄲慎夫人尹姬皆母子孝

文帝崩孝景帝立乃封廣國爲章武侯

案地理志縣名屬勃海

括地志云滄州魯城縣

長君前死封其子彭祖爲南皮侯

案地理志縣

名屬勃海 括地志云故南皮城在滄州南皮縣北四里漢南皮縣也

吳楚反時竇太后

從昆弟子竇嬰任俠自喜將兵以軍功爲魏其侯

案地理

志縣名屬琅邪

竇氏凡三人爲侯竇太后好黃帝老子言帝及

太子諸竇不得不讀黃帝老子尊其術竇太后後孝景

帝六歲建元六年崩

案地理志當武帝建元六年此文是也而漢書作元光誤也

合葬

霸陵遺詔盡以東宮金錢財物賜長公主嫖

王太后槐里人

案隱皇甫謚云后名媯音志地理志右扶風槐里本名廢丘

正義

括地志云太

丘故城一名槐里亦曰廢丘城在雍州始平縣東南十里也

母曰臧兒臧兒者故燕

王臧荼孫也臧兒嫁爲槐里王仲妻生男曰信與兩女

及兒媯也

而仲死臧兒更嫁長陵田氏生男蚡勝臧兒

長女嫁爲金王孫婦生一女矣而臧兒卜筮之曰兩女

皆當貴因欲奇兩女

案隱奇者異之也漢書作倚倚依也

乃奪金氏金氏

怒不肯予決乃內之太子宫太子幸愛之生三女一男

男方在身時王美人夢日入其懷以告太子太子曰此

貴徵也未生而孝文帝崩孝景帝卽位王夫人生男

卽武帝也漢武故事云帝以乙酉年七月七日生於猗蘭殿也

先是臧兒又入其少女

兒姁

案姁音况羽反

兒姁生四男

案隱謂廣川王越膠東王寄清河王舜常山王憲也

景帝爲太子時薄太后以薄氏女爲妃及景帝立立妃曰薄皇后皇后母子母寵薄太后崩廢薄皇后景帝長男榮其母栗姬栗姬齊人也立榮爲太子長公主嫖有女欲予爲妃栗姬妬而景帝諸美人皆因長公主見景帝得貴幸皆過栗姬

案隱過音戈謂踰之

栗姬日怨怒謝長公主

不許長公主欲予王夫人王夫人許之長公主怒而日

讒栗姬短於景帝曰栗姬與諸貴夫人幸姬會常使侍

者祝唾其背挾邪媚道景帝以故望之

案隱望猶責望謂恨之也景

帝嘗體不安心不樂屬諸子爲王者於栗姬曰百歲後

善視之栗姬怒不肯應言不遜景帝恚心嗾之而未發

也

案禮廉音衙漢書作衙衙猶恨也

長公主日譽王夫人男之美景帝

亦賢之又有曩者所夢日符計未有所定王夫人知帝

望栗姬因怒未解陰使人趣大臣立栗姬爲皇后大行

奏事畢

案禮大行禮官行音衙

曰子以母貴母以子貴

案禮此皆公羊傳之

文也今太子母無號宜立爲皇后景帝怒曰是而所宜言

邪遂案誅大行而廢太子爲臨江王栗姬愈恚恨不得

見以憂死卒立王夫人爲皇后其男爲太子封皇后兄

信爲蓋侯

案禮地理志縣名屬太山

景帝崩太子襲號爲皇帝尊皇

太后母臧兒爲平原君

案禮德州縣也

封田蚡爲武安侯

案禮地理



志 縣名屬魏郡 正義 括地志云武安故城在洛州武安縣西南七里六國時趙邑漢武安縣城也 勝爲

周陽侯

案隱 地理志縣名屬上郡

正義 括地志云周陽故城在絳州聞喜縣東二十九里也

景帝

十三男一男爲帝十二男皆爲王而兒姁早卒其四子

皆爲王王太后長女號曰平陽公主

正義 括地志云平陽故城卽晉州城

西面 今平陽故城東面也 城記 云堯築也

次爲南宮公主

正義 南宮冀州縣也

次爲林

慮公主

案隱 林慮縣名屬河內本名隆慮避殤帝諱改名林慮慮音廬

正義 林慮相州縣也

蓋侯

信好酒田蚡勝貪巧於文辭王仲早死葬槐里追尊爲

共侯置園邑二百家及平原君卒從田氏葬長陵置園

比共侯園而王太后後孝景帝十六歲以元朔四年崩

合葬陽陵

正義 括地志云陽陵在雍州咸陽縣東四十里

王太后家凡三人爲

侯

衛皇后字子夫生微矣蓋其家號曰衛氏

正義衛青傳云父鄭季爲

吏給事平陽侯家與侯妾衛媼通生青故冒衛氏

出平陽侯邑

集解徐廣曰平陽侯曹壽尚平

陽公

子夫爲平陽主謳者武帝初卽位數歲無子平陽

主求諸良家子女十餘人飾置家武帝祓

集解徐廣曰三月上巳臨

水祓除謂之禊呂后本紀亦云三月祓還過軹道蓋與游字相似故或定之也

謂祓禊之遊水自潔故云祓除也

霸上還因過平陽主主見所侍美人

上弗說旣飲謳者進上望見獨說衛子夫是日武帝起

更衣子夫侍尚衣軒中得幸

正義尚主也於主衣車中得幸也

上還坐

驩甚賜平陽主金千斤主因奏子夫奉送入宮子夫上

車平陽主拊其背曰行矣彊飯勉之卽貴無相忘入宮

歲餘竟不復幸武帝擇宮人不中用者斥出歸之衛子

夫得見涕泣請出上憐之復幸遂有身尊寵日隆召其

兄衛長君弟青爲侍中而子夫後大幸有寵凡生三女

一男

案隱三女謂諸邑石邑及衛長公主後封爲當利公主也

男名據

案隱卽初上

爲太子時娶長公主女爲妃立爲帝妃立爲皇后姓陳

氏

案隱漢武故事云后名阿嬌卽長公主嫖女也

無子

上之得爲嗣大長公主有力焉

案隱徐廣曰卽景帝姊嫖也

以故陳

皇后驕貴聞衛子夫大幸恚幾死者數矣上愈怒陳皇

后挾婦人媚道其事頗覺於是廢陳皇后

案隱漢書云女子楚服等

坐爲皇后呪詛大逆無道相連誅者三百餘人乃廢后居長門宮故司馬相如賦云陳皇后別在長門宮愁悶悲思奉黃金百斤爲相如取酒乃爲作頌以奏皇太后復親幸作頌信工也復親幸之恐非實也而立衛

子夫爲皇后陳皇后母大長公主景帝姊也數讓武帝姊平陽公主曰帝非我不得立已而棄捐吾女豈何不  
自喜而倍本乎平陽公主曰用無子故廢耳陳皇后求  
子與醫錢凡九千萬然竟無子衛子夫已立爲皇后先

是衛長君死乃以衛青爲將軍擊胡有功封爲長平侯

**系屬**

地理志

青三子在襁褓中皆封爲列侯及衛皇后

所謂姊衛少兒少兒生子霍去病以軍功封冠軍侯

**地理志**

冠號驃騎將軍青號大將軍立衛皇后子據爲

軍屬河陽

太子衛氏枝屬以軍功起家五人爲侯及衛后色衰趙

之王夫人幸有子爲齊王索隱名闕王夫人早卒而中山李

夫人有寵有男一人爲昌邑王索隱名膊李夫人早卒

索隱李延年之女弟漢書云帝悼之李少翁致其形帝爲作賦其兄李延年以音幸號

協律協律者故倡也兄弟皆坐姦族是時其長兄廣利

爲貳師將軍伐大宛不及誅還而上旣夷李氏後憐其

家乃封爲海西侯正義漢武帝令李廣利征大宛國近西海故號海西侯也他姬子

二人爲燕王廣陵王索隱漢書云李姬生廣陵王胥燕王旦也其母無寵以

憂死及李夫人卒則有尹婕妤之屬更有寵然皆以倡

見非王侯有土之女士不可以配人主也

褚先生曰

疑此元成之間褚少孫續之也

臣爲郎時問習漢家故

事者鍾離生曰王太后在民間時所生子女者

集解徐廣

曰名俗

義按父爲金王孫王孫已死景帝崩後武

帝已立王太后獨在而韓王孫名嫣素得幸武帝承

間白言太后有女在長陵也武帝曰何不早言乃使

使往先視之在其家武帝乃自往迎取之蹕道先驅

旄騎出橫城門

集解如淳曰橫音光三輔黃圖云北

橫橋架渭水上在淮州咸陽縣東南二十二里按此橋對門也

乘輿馳至長陵當小

市西入里里門閉暴開門乘輿直入此里通至金氏

門外止使武騎圍其宅爲其亡走身自往取不得也

即使左右羣臣入呼求之家人驚恐女亡匿內中牀

下扶持出門令拜謁武帝下車泣曰噉

案烏百反蓋恡之辭爾

噉責失聲驚愕貌也

大姊何藏之深也詔副車載之迴車馳

還而直入長樂宮行詔門著引籍

武帝道上詔令通名狀於門使

引入至太后所

通到謁太后太后曰帝倦矣何從來帝曰今

者至長陵得臣姊與俱來顧曰謁太后太后曰女某

邪曰是也太后爲下泣女亦伏地泣武帝奉酒前爲

壽奉錢千萬奴婢三百人公田百頃甲第以賜姊太

后謝曰爲帝費焉於是召平陽主南宮主林慮主三

人俱來謁見姊因號曰修成君有子男一人女一人

男號爲修成子仲

金氏之甥修成君之子也而名仲者與帝外祖王氏同字恐非

也女爲諸侯王王后

集解徐廣曰嫁爲淮南王安太子妃也

此二子非

劉氏以故太后憐之修成子仲驕恣陵折吏民皆患苦之

衛子夫立爲皇后后弟衛青字仲卿以大將軍封爲

長平侯四子長子伉爲侯世子侯世子常侍中貴幸

其三弟皆封爲侯各千三百戶一曰陰安侯

疑地名

理志陰安縣名屬魏郡

括地志云二曰發干侯

陰安故城在魏州頓丘縣北六十里也

括地志云發干故城在博州堂邑縣西南二十三里

宜春侯

名伉地理志宜春縣名屬汝南



里 貴震天下天下歌之曰生男無喜生女無怒獨不

見衛子夫霸天下是時平陽主寡居當用列侯尚主  
主與左右議長安中列侯可爲夫者皆言大將軍可  
主笑曰此出吾家常使令騎從我出入爾奈何用爲  
夫乎左右侍御者曰今大將軍姊爲皇后三子爲侯  
富貴振動天下主何以易之乎於是主乃許之言之  
皇后令白之武帝乃詔衛將軍尚平陽公主焉

褚先生曰丈夫龍變傳曰蛇化爲龍不變其文家化  
爲國不變其姓丈夫當時富貴百惡滅除光耀榮華  
貧賤之時何足累之哉

武帝時幸夫人尹婕妤

索隱韋昭云婕承好助也一云美好也聲類云幸也字亦

從女漢舊儀云皇后爲

邢夫人號姪娥衆人謂之姪

何

索隱服虔云姪音近妍徐廣音五耕反鄒誕生音莖字林音五經反說文解字云姪長也好也許慎

云秦晉之間謂好爲姪又方言云美貌謂之姪何秩

比中二千石

索隱崔浩云中猶滿也漢制九卿已上秩一歲滿二千斛又漢官儀云中二千

石俸月百八十斛

容華秩比二千石

索隱二千石是郡守之秩漢官儀云其俸月百

二十斛又有真二千石者如淳云諸侯王相在郡守上秩真二千石漢律真二千石俸月二萬按是二萬

斛則二萬斗亦是二千石也崔浩云列卿已上秩石皆正二千石則是真二千石也其云中二千石亦不

滿二千蓋千八九百爾此崔氏說今兼引而解之婕妤秩比列侯常從婕妤

遷爲皇后尹夫人與邢夫人同時並幸有詔不得相

見尹夫人自請武帝願望見邢夫人帝許之卽令他夫人飾從御者數十人爲邢夫人來前尹夫人前見之曰此非邢夫人身也帝曰何以言之對曰視其身貌形狀不足以當人主矣於是帝乃詔使邢夫人衣故衣獨身來前尹夫人望見之曰此真是也於是乃低頭俛而泣自痛其不如也諺曰美女入室惡女之仇

褚先生曰浴不必江海要之去垢馬不必騏驥要之善走士不必賢世要之知道女不必貴種要之貞好傳曰女無美惡入室見妬士無賢不肖入朝見嫉美

女者惡女之仇豈不然哉

鈞弋夫人姓趙氏河間人也

案隱漢書云武帝過河間望氣者言此有奇女

天子亟使使召之女兩手皆拳上自披之手卽伸由是得幸號曰拳夫人後居鈞弋宮號曰鈞弋夫人列傳云發手得一玉鈞故號焉黃圖云鈞弋宮在城外漢武故事云宮在直門南廟記云宮有千門萬戶不可記其名也昭帝卽位追尊太后父趙父爲順成侯

義括地志云鈞弋宮在長安城中門名堯母門也得幸武帝生子一人昭帝是也武帝年七十乃生

昭帝昭帝立時年五歲爾

集解徐廣曰武帝崩年正七十昭帝年八歲爾

此褚先生之記漢書云元始三年生昭帝又誤按元始當作太始也衛太子廢後未復

立太子而燕王旦上書願歸國入宿衛武帝怒立斬

其使者於北闕上居甘泉宮召畫工圖畫周公負成

王也於是左右羣臣知武帝意欲立少子也後數日

帝譴責鈞弋夫人夫人脫簪珥叩頭帝曰引持去送

掖庭獄夫人還顧帝曰趣行女不得活夫人死雲陽

宮

案隱三輔故事云葬甘泉宮南後昭帝起雲陵邑三千戶漢武故事云既殯香闈十里上疑非常人

發棺無尸衣履存焉

正義

括地志云雲陽宮秦之甘泉宮在雍州雲陽縣西北八十里秦始皇作甘泉宮

去長安三百里黃帝以來祭園丘處也

時暴風揚塵百姓感傷使者夜

持棺往葬之

正義

括地志云雲陽陵漢鈞弋夫人陵也在雲陽縣西北五十八里孝武帝鈞

弋趙婕妤好昭帝之母齊人姓趙少好清靜六年臥病右手捲飲食少望氣者云東北有貴人推而得之召到妾色甚佳武帝持其手伸之得玉鈞後生昭帝武帝末年殺夫人殯之而尸香一日昭帝更葬之棺但存絲履也宮記云武帝思之爲起通靈臺於甘泉常有一青鳥集臺上往來至宣帝時乃止

封識

其處其後帝閒居問左右曰人言云何左右對曰人言且立其子何去其母乎帝曰然是非兒曹愚人所知也往古國家所以亂也由主少母壯也女主獨居驕蹇淫亂自恣莫能禁也女不聞呂后邪故諸爲武帝生子者無男女其母無不譴死豈可謂非賢聖哉昭然遠見爲後世計慮固非淺聞愚儒之所及也諡爲武豈虛哉

索隱述贊曰禮貴夫婦易敘乾坤配陽成化比月居尊河洲降淑天曜垂軒德著任姒慶流娥嫫建我炎曆斯道克存呂權大寶實善善立言自茲已降立嬖以恩內無常主後嗣不繁

史記卷四十九

史記卷四十九考證

外戚世家於是廢陳皇后索隱廢后居長門宮故司馬相如賦云陳皇后別在長門宮愁悶悲思奉黃金百斤爲相如取酒乃爲作頌以奏皇后復親幸作頌信工也復親幸之恐非實也○臣照按復幸之說不虛但不復其位耳觀下文求子云云非復幸於帝亦何求之有

而中山李夫人有寵有男一人爲昌邑王索隱名膊正義名賀○臣照按昌邑哀王膊李夫人子也賀乃膊子入立而復廢者正義誤



而上既夷李氏後憐其家乃封爲海西侯○余有丁曰  
匈奴大宛傳廣利封時李氏未誅後以將軍伐匈奴  
聞其家用巫蠱族乃降匈奴此文誤

褚先生曰○

臣照

按正義文則是張守節時尚無褚先

生曰四字故有此注此四字後人所加

衛青四子長子伉爲侯世子其三弟皆封爲侯○

臣照

按衛將軍傳青三子伉爲宜春侯不疑爲陰安侯登  
爲發干侯伉坐法失侯青卒乃嗣長平侯此云四子  
者但見一門四侯則伉居長自當嗣侯餘三侯自各  
爲一弟而不知伉之一封一爵也此褚先生之誤索

隱亦只注三侯而於四子三弟之說略不置辨

史記卷四十九考證

史記卷五十

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

楚元王世家第二十

楚元王劉交者高祖之同母少弟也字游

正義年表云都彭城集解

徐廣曰一作父索隱漢書作同父言同父以明異母也

高祖兄弟四人長兄伯伯

蚤卒始高祖微時嘗辟事時時與賓客過巨嫂食

集解徐廣

日漢書云丘嫂也索隱劉氏云巨一作丘應劭云丘姓也孟康云丘空也兄亡空有嫂也今此作巨巨大也謂

長嫂也。嫂厭叔叔與客來，嫂詳爲羹盡。櫟釜索隱櫟音歷

旁使爲聲漢書作轅音勞賓客以故去已而視釜中尙有羹。高祖由

此怨其嫂及高祖爲帝，封昆弟而伯子獨不得封。太上

皇以爲言，高祖曰：「某非忘封之也，爲其母不長者耳。於

是乃封其子信爲羹頡侯。」集解徐廣曰：羹頡侯以高祖七年封。封十三年高后元年。

有罪削爵一級爲關內侯。案隱羹頡爵號非縣名，以其櫟釜故也。正義括地志云：羹頡山在媯州懷戎縣東南。

十五里。按高祖取其山名爲侯號者，怨故也。而王次兄仲於代。集解徐廣曰：仲以六年立爲代王。其年罷卒。諡頃王。有子曰濞。

高祖六年已禽楚王韓信於

陳，乃以弟交爲楚王，都彭城。索隱漢書云：楚王王薛郡東海彭城三十六郡也。

卽位二十三年卒。子夷王郢立。索隱漢書名郢，客也。夷王四年卒。

子王戊立王戊立二十年冬坐爲薄太后服私姦削東

海郡

索隱漢書云私姦服舍中姚察云姦於服舍非必宮中又按集註服虔云私姦中人以罪重故至削

也郡春戊與吳王合謀反其相張尙太傅趙夷吾諫不聽

戊則殺尙夷吾起兵與吳西攻梁破棘壁

正義括地志云大棘故城

在宋州寧陵縣西七十里州卽梁棘壁

至昌邑南

正義括地志云有梁丘故城在曹州成武縣東

北三十里也與漢將周亞夫戰漢絕吳楚糧道士卒飢吳王

走楚王戊自殺軍遂降漢漢已平吳楚孝景帝欲以德

侯子續吳

集解徐廣曰德侯名廣吳王濞之弟也其父曰仲

以元王子禮續楚

竇太后曰吳王老人也宜爲宗室順善今乃首率七國

紛亂天下奈何續其後不許吳許立楚後是時禮爲漢

宗正乃拜禮爲楚王奉元王宗廟是爲楚文王文王立

三年卒子安王道立安王二十二年卒子襄王經立襄

王立十四年卒子王純代立王純立地節二年中人上

書告楚王謀反王自殺國除入漢爲彭城郡集解徐廣曰純立十

七年卒諡節三子延壽立十九年死太史公唯記

王純爲國人告反國除蓋延壽後更封至十九年又謀

反誅死故不同也正義漢書云王純嗣十六年子延壽

嗣與趙何齊謀反延壽自殺立三十二年國除與此不

同地節是宣帝年號去天漢四年二十九年仍隔

昭帝世言到地節二年以下者蓋褚先生誤也

趙王劉遂者其父高祖中子

正義年表云都邯鄲

名友諡曰幽幽

王以憂死故爲幽高后王呂祿於趙一歲而高后崩大

臣誅諸呂呂祿等乃立幽王子遂爲趙王孝文帝卽位

二年立遂弟辟彊

索隱音壁彊又音闕彊

取趙之河間郡爲河間

王以爲文王

正義河間今瀛州也

立十三年卒子哀王福立一年

卒無子絕後國除入于漢遂旣王趙二十六年孝景帝

時坐晁錯以適削趙王常山之郡吳楚反趙王遂與合

謀起兵其相建德內史王悍諫不聽

索隱建德其相名史先失姓也

遂

燒殺建德王悍發兵屯其西界欲待吳與俱西北使匈

奴與連和攻漢漢使曲周侯酈寄擊之趙王遂還城守

邯鄲相距七月吳楚敗於梁不能西匈奴聞之亦止不

肯入漢邊欒布自破齊還乃并兵引水灌趙城趙城壞

趙王自殺邯鄲遂降

正義邯鄲洛州縣也

趙幽王絕後



太史公曰國之將興必有禎祥君子用而小人退國之

將亡賢人隱亂臣貴使楚王戊毋刑申公遵其言

索隱漢書

申公名培王

趙任防與先生

集解駟案趙堯傳曰趙人防與公也索隱此及漢書

戊胥靡之

雖不見趙不用防與公蓋當時猶知事迹或別有所見故太史公明引以結其贊

豈有篡殺之

謀爲天下僂哉賢人乎賢人乎非質有其內惡能用之

哉甚矣安危在出令存亡在所任誠哉是言也

索隱述贊曰漢封同姓楚有令名旣滅韓信王失彭

城穆生致禮韋孟作程王戊棄德與吳連兵太后命

禮爲楚罪輕文襄繼立世挺才英如何

趙遂代殞厥聲興亡之兆所任宜明

# 史記卷五十

記卷五十考證

楚元王世家嫂詳爲羹盡櫟釜索隱謂以杓歷釜旁使爲聲○杓歷釜監本訛作梅歷蚤今改正

戊則殺尚夷吾○徐孚遠曰則殺疑賊殺也

取趙之河間郡爲河間王以爲文王立十三年卒○臣

照按文義似當云取趙之河間郡以爲河間王文王

立十三年卒

史記卷五十考證

史記卷五十一

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

荆燕世家第二十一

荆王劉賈諸劉者不知其何屬

集解 駟案年表云都吳也漢書賈高帝從父兄

索隱 注引漢書則班固或別有所見也 初起時漢王元年還定三秦劉賈

爲將軍定塞地

索隱 卽桃林之塞

從東擊項籍漢四年漢王之

敗成臯北渡河得張耳韓信軍軍修武深溝高壘使劉

賈將二萬人騎數百渡白馬津入楚地

括地志云黎陽一名白馬

津在滑州白馬縣北三十里按賈從此津南過入楚地也

燒其積聚以破其業無以

給項王軍食已而楚兵擊劉賈賈輒壁不肯與戰而與

彭越相保漢五年漢王追項籍至固陵

徐廣曰在陽夏正義括地

志云固陵陵名在陳州宛丘縣西北四十二里

使劉賈南渡淮圍壽春

正義今壽州壽

春縣是也

還至使人間招楚大司馬周殷周殷反楚佐劉賈

舉九江迎武王黥布兵皆會垓下共擊項籍漢王因使

劉賈將九江兵與太尉盧縮西南擊臨江王共尉

索隱共敖

之子共尉已死以臨江爲南郡

正義今荆州也

漢六年春會諸侯

於陳

正義今陳州也

廢楚王信囚之分其地爲二國當是時也

高祖子幼昆弟少又不賢欲王同姓以鎮天下乃詔曰

將軍劉賈有功及擇子弟可以爲王者羣臣皆曰立劉

賈爲荊王王淮東五十二城

索隱表云劉賈都吳又漢書以東陽郡封賈東陽卽

臨淮故云王淮東  
正義括地志云西北四十里蓋此縣是也

高祖弟交爲楚王王淮

西三十六城

正義淮以西徐泗濠等州也

因立子肥爲齊王始王昆

弟劉氏也高祖十一年秋淮南王黥布反東擊荊荆王

賈與戰不勝走富陵

索隱地理志縣名屬臨淮  
正義括地志云富陵故城在楚州盱眙縣

東北六十里

爲布軍所殺高祖自擊破布十二年立沛侯劉

濞爲吳王王故荆地

燕王劉澤者諸劉遠屬也

集解駟案漢書澤高祖從祖昆弟  
索隱楚漢春秋田子春

說張卿云劉澤宗家也按言宗家似疎遠矣然則班固言從祖昆弟當別有所見高帝三年澤

爲郎中高帝十一年澤以將軍擊陳豨得王黃爲營陵

侯

索隱地理志縣名在北海正義括地志云營陵故城在青州北海縣南三十里

高后時齊人

田生游乏資以畫干營陵侯澤

集解晉灼曰楚漢春秋田子春服虔曰以計畫

干之也文穎曰以工畫得寵也

索隱兩家之義並通澤大說之用金二百斤爲田

生壽田生已得金卽歸齊二年澤使人謂田生曰弗與

矣

集解孟康曰與黨與言不復與我爲與也文穎曰不得與汝相知

田生如長安不見

澤而假大宅令其子求事呂后所幸大謁者張子卿

集解

徐廣曰名澤駟案如淳曰闔人也

居數月田生子請張卿臨親修具張

卿許往田生盛帷帳共具譬如列侯張卿驚酒酣乃屏

人說張卿曰臣觀諸侯王邸第百餘皆高祖一切功臣

索隱此一切猶一例同時也非如他一切訓權時也今呂氏雅故本推轂高帝就

天下

集解如淳曰呂公知高祖相貴以女妻之推轂使爲長者贖曰謂諸呂共推轂高祖征伐成帝業雅

正意也索隱雅訓素也謂呂氏素心奉推高祖取天下若人推轂欲前進塗然也推音昌誰反功至大

又親戚太后之重太后春秋長諸呂弱太后欲立呂產

爲呂王王代太后又重發之

集解文穎曰欲發之恐大臣不聽鄧展曰重難發事

恐大臣不聽今卿最幸大臣所敬何不風大臣以聞太

后太后必喜諸呂已王萬戶侯亦卿之有

正義高后紀云封張卿爲

建陵侯

太后心欲之而卿爲內臣不急發恐禍及身矣張

卿大然之乃風大臣語太后太后朝因問大臣大臣請



立呂產爲呂王太后賜張卿千斤金張卿以其半與田  
生田生弗受因說之曰呂產王也諸大臣未大服今營  
陵侯澤諸劉爲大將軍獨此尙缺望

索隱缺音決  
又音窺睡反今卿

言太后列十餘縣王之彼得王喜去諸呂王益固矣張  
卿入言太后然之乃以營陵侯劉澤爲琅邪王琅邪王  
乃與田生之國田生勸澤急行毋留出關太后果使人  
追止之已出卽還及太后崩琅邪王澤乃曰帝少諸呂  
用事劉氏孤弱乃引兵與齊王合謀西

集解駟案漢書  
音義曰澤至齊

爲齊王所劫不得去乃說王求詣京師齊具車送之不  
爲本與齊合謀也索隱漢書齊王傳云使祝午劫琅邪  
王至齊因留琅邪王不得反國澤乃說求入關齊乃送  
之與此文不同者劉氏以爲燕齊兩史各言其主立功

之迹太史公間疑遂欲誅諸呂至梁聞漢遣灌將軍屯

各記之則所謂實錄

榮陽澤還兵備西界遂跳驅至長安

集解駟案漢書音

義曰跳驅馳至長

安也素隱跳他彫反脫獨

去也又音條謂疾去也

代王亦從代至諸將相與琅

邪王共立代王爲天子天子乃徙澤爲燕王乃復以琅

邪予齊復故地集解李奇日本齊地分

以王澤今復與齊也澤王燕二年薨

諡爲敬王傳子嘉爲康王至孫定國與父康王姬姁生

子男一人奪弟妻爲姬與子女三人姁定國有所欲誅

殺臣肥如令郢人

集解如淳曰定國自欲有所殺餘臣

肥如亦臣名令郢人以告定國也小顏以爲定國欲有

所誅殺餘臣而肥如令郢人乃告定國也按地理志肥

人以滅口至元朔元年郢人昆弟復上書具言定國陰事以此發覺詔下公卿皆議曰定國禽獸行亂人倫逆天當誅上許之定國自殺國除爲郡

太史公曰荆王王也由漢初定天下未集故劉賈雖屬

踈然以策爲王填淮江之間劉澤之王權激呂氏

索隱謂田

子春欲王劉澤先使張卿說封呂產乃恐以大臣缺望澤卒得王故爲權激諸呂也然劉澤卒南

面稱孤者三世事發相重豈不爲偉乎

集解晉灼曰澤以金與田生以

事張卿張卿言之呂后而劉澤得王故曰事發相重或曰事起於相重也索隱謂先發呂氏令重而我亦得其

功是事發相重也偉盛也蓋盛其能激發也

索隱述贊曰劉賈初從首定三秦旣渡白馬遂圍壽春始迎黥布絕間周殷賞功胙土與楚爲隣營陵始

爵勳由擊陳田生遊說受賜千斤權激  
諸呂事發榮身徒封傳嗣亡於郢人

史記卷五十一

史記卷五十一考證

荆燕世家使劉賈將二萬人騎數百渡白馬津入楚地  
燒其積聚○按高紀此事在漢三年項羽本紀與此  
俱作漢四年

漢五年漢王追項籍至固陵使劉賈南渡淮圍壽春○  
高紀在四年

以畫干營陵侯澤集解文穎曰以工畫得寵也○黃氏  
日抄曰田生所干劉澤之畫卽明年所施於張子卿  
之計曰弗與云者弗與我施行所畫促之之辭爾澤  
劉氏也而王諸呂乃出其計其罪大矣故太史公之

贊曰劉澤之王權徼呂氏而釋之者弗察謂畫爲工  
畫謂與爲黨與夫於干劉澤不言其所畫而於干張  
子卿言之文法之相爲先後如此而釋之者弗能察  
故夫史遷之文深遠矣

史記卷五十二

漢 太 史 令司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

齊 悼 惠 王 世 家 第 二 十 二

齊 悼 惠 王 劉 肥 者 高 祖 長 庶 男 也

正義年表云都臨淄

其 母 外 婦

也 曰 曹 氏 高 祖 六 年 立 肥 爲 齊 王 食 七 十 城 諸 民 能 齊

言 者 皆 予 齊 王

索隱謂其語音及名物異於楚魏孟康云此時人多流亡故使齊言者皆還齊

王 齊 王 孝 惠 帝 兄 也 孝 惠 帝 二 年 齊 王 入 朝 惠 帝 與 齊



王燕飲亢禮如家人

案謂齊王是兄不爲君臣禮而乃自亢敵如家人行兄弟之禮故

太后怒

呂太后怒且誅齊王齊王懼不得脫乃用其內史

勲計獻城陽郡以爲魯元公主湯沐邑

正義括地志云濮州雷澤縣本

漢城陽縣按後爲郡也

呂太后喜乃得辭就國悼惠王卽位十三

年以惠帝六年卒子襄立是爲哀王哀王元年孝惠帝崩呂太后稱制天下事皆決於高后二年高后立其兄

子酈侯呂台爲呂王

集解徐廣曰酈一作鄆案隱二字皆音孚鄆縣名在馮翊鄆縣在南

陽台音貽呂后兄子故酈城在鄧州新城縣西北四十里蓋此縣是也

正義按酈音呈益反括地志云

割

齊之濟南郡爲呂王奉邑

正義括地志云濟南故城在淄州長山縣西北三十五里

哀王三年其弟章入宿衛於漢呂太后封爲朱虛侯

案

地理志縣名屬琅邪以呂祿女妻之後四年封章弟興居爲東牟

侯索隱地理志縣名屬東萊皆宿衛長安中哀王八年高后割齊琅

邪郡正義今沂州也立營陵侯劉澤爲琅邪王其明年趙王友

入朝幽死于邸三趙王皆廢高后立諸呂爲三王集解徐廣

口燕趙梁擅權用事朱虛侯年二十有氣力忿劉氏不得職

嘗入侍高后燕飲高后令朱虛侯劉章爲酒吏章自請

曰臣將種也請得以軍法行酒高后曰可酒酣章進飲

歌舞已而曰請爲太后言耕田歌高后兒子畜之笑曰

顧而父知田耳若生而爲王子安知田乎索隱顧猶念也而及若皆

訓章曰臣知之太后曰試爲我言田章曰深耕穡種立

苗欲疏非其種者鋤而去之呂后默然頃之諸呂有一人醉亡酒章追拔劔斬之而還報曰有亡酒一人臣謹行法斬之太后左右皆大驚業已許其軍法無以罪也因罷自是之後諸呂憚朱虛侯雖大臣皆依朱虛侯劉氏爲益彊其明年高后崩趙王呂祿爲上將軍呂王產爲相國皆居長安中聚兵以威大臣欲爲亂朱虛侯章以呂祿女爲婦知其謀乃使人陰出告其兄齊王欲令發兵西朱虛侯東牟侯爲內應以誅諸呂因立齊王爲帝齊王旣聞此計乃與其舅父駟鈞郎中令祝午中尉

魏勃陰謀發兵

索隱舅謂舅父猶姨稱姨母

齊相召平聞之

索隱廣陵人召

平與東陵侯召平及此召平皆似別人也功臣表平子奴以父功封黎侯也乃發卒衛王宮

魏勃給召平曰王欲發兵非有漢虎符驗也而相君圍王固善勃請爲君將兵衛衛王召平信之乃使魏勃將兵圍王宮勃既將兵使圍相府召平曰嗟乎道家之言當斷不斷反受其亂乃是也遂自殺於是齊王以駟鈞爲相魏勃爲將軍祝午爲內史悉發國中兵使祝午東詐琅邪王曰呂氏作亂齊王發兵欲西誅之齊王自以兒子年少不習兵革之事願舉國委大王大王自高帝將也習戰事齊王不敢離兵

索隱服虔云不敢離其兵而到琅邪

使臣請

大王幸之臨菑見齊王計事并將齊兵以西平關中之

亂琅邪王信之以爲然西馳見齊王齊王與魏勃等因留琅邪王而使祝午盡發琅邪國而并將其兵琅邪王劉澤旣見欺不得反國乃說齊王曰齊悼惠王高皇帝長子推本言之而大王高皇帝適長孫也當立今諸大臣狐疑未有所定而澤於劉氏最爲長年大臣固待澤決計今大王留臣無爲也不如使我入關計事齊王以爲然乃益具車送琅邪王琅邪王旣行齊遂舉兵西攻呂國之濟南於是齊哀王遺諸侯王書曰高帝平定天下王諸子弟悼惠王於齊悼惠王薨惠帝使留侯張良立臣爲齊王惠帝崩高后用事春秋高聽諸呂擅廢高

帝所立又殺三趙王

正義隱王如意幽王友梁王恢徙燕趙並高祖子也

滅梁燕

趙

正義梁王恢徙燕王建梁王恢徙趙分滅無後也

以王諸呂分齊國爲四

謂濟

南琅邪城陽并齊爲四也

正義琅邪郡封劉澤濟南郡以爲呂王奉邑城陽爲魯元公主湯沐邑也

忠臣

進諫土惑亂不聽今高后崩皇帝春秋富

索隱小顏云年幼也此之

於財方未匱竭故謂之富也

未能治天下固恃大臣諸將今諸呂又

擅自尊官聚兵嚴威劫列侯忠臣矯制以令天下宗廟

所以危今寡人率兵入誅不當爲王者漢聞齊發兵而

西相國呂產乃遣大將軍灌嬰東擊之灌嬰至滎陽乃

謀曰諸呂將兵居關中欲危劉氏而自立我今破齊還

報是益呂氏資也乃留兵屯滎陽使使喻齊王及諸侯

與連和以待呂氏之變而共誅之齊王聞之乃西取其  
故濟南郡亦屯兵於齊西界以待約呂祿呂產欲作亂  
關中朱虛侯與太尉勃丞相平等誅之朱虛侯首先斬  
呂產於是太尉勃等乃得盡誅諸呂而琅邪王亦從齊  
至長安大臣議欲立齊王而琅邪王及大臣曰齊王母  
家駟鈞惡戾虎而冠者也

集解張晏曰言鈞惡戾如虎而著冠

方以呂氏

故幾亂天下今又立齊王是欲復爲呂氏也代王母家  
薄氏君子長者且代王又親高帝子於今見在且最爲  
長以子則順以善人則大臣安於是大臣乃謀迎立代  
王而遣朱虛侯以誅呂氏事告齊王令罷兵灌嬰在榮

陽聞魏勃本教齊王反既誅呂氏罷齊兵使使召責問

魏勃勃曰失火之家豈暇先言大人而後救火乎

索隱此蓋

舊俗之言謂救火之急不暇先啓家長也亦猶國家有難不暇待詔命也

因退立股戰而栗

恐不能言者終無他語灌將軍熟視笑曰人謂魏勃勇

妄庸人耳

索隱妄庸言凡妄庸劣之人

何能爲乎乃罷魏勃

索隱罷謂不罪

而放遣之

魏勃父以善鼓琴見秦皇帝及魏勃少時欲求見

齊相曹參家貧無以自通乃常獨早夜掃齊相舍人門

外相舍人恠之以爲物而伺之

索隱姚氏云物恠物

得勃勃曰願

見相君無因故爲子掃欲以求見於是舍人見勃勃曹參

因以爲舍人一爲參御言事參以爲賢言之齊悼惠王



悼惠王召見則拜爲內史始悼惠王得自置二千石及悼惠王卒而哀王立勃用事重於齊相王旣罷兵歸而

代王來立是爲孝文帝孝文帝元年盡以高后時所割

齊之城陽琅邪濟南郡復與齊而徙琅邪王王燕益封

朱虛侯東牟侯各二千戶是歲齊哀王卒太子側立是

爲文王齊文王元年漢以齊之城陽郡立朱虛侯爲城

陽王以齊濟北郡

正義今濟州濟北王所都

立東牟侯爲濟北王二

年濟北王反漢誅殺之地入于漢後二年孝文帝盡封

齊悼惠王子罷軍等七人皆爲列侯

正義罷音不

齊文王立

十四年卒無子國除地入于漢後一歲孝文帝以所封

悼惠王子分齊爲王齊孝王將閭以悼惠王子揚虛侯

爲齊王故齊別郡盡以王悼惠王子子志爲濟北王子

辟光爲濟南王子賢爲菑川王子邛爲膠西王子雄渠

爲膠東王與城陽齊凡七王

案隱謂將閭爲齊王志爲濟北王邛膠西王辟光濟

南王賢菑川王章城陽王雄渠爲膠東王齊孝王十一年吳王濞楚王戊反

興兵西告諸侯曰將誅漢賊臣鼂錯以安宗廟膠西膠

東菑川濟南皆擅發兵應吳楚欲與齊齊孝王狐疑城

守不聽三國兵共圍齊

集解張晏曰膠西菑川濟南也

齊王使路中大

夫告於天子

集解張晏曰姓路爲中大夫案隱史失名故言姓及官顧氏按路氏譜中大夫名邛

也邛五剛反天子復令路中大夫還告齊王善堅守吾兵今

破吳楚矣路中大夫至三國兵圍臨菑數重無從入三國將劫與路中大夫盟曰若反言漢已破矣齊趣下三國不且見屠路中大夫既許之至城下望見齊王曰漢已發兵百萬使太尉周亞夫擊破吳楚方引兵救齊齊必堅守無下三國將誅路中大夫齊初圍急陰與三國通謀約未定會聞路中大夫從漢來喜及其大臣乃復勸王毋下三國居無何漢將欒布平陽侯等兵至齊

平陽侯按表是簡侯曹奇

擊破三國兵解齊圍已而復聞齊初與三

國有謀將欲移兵伐齊齊孝王懼乃飲藥自殺景帝聞之以爲齊首善以迫劫有謀非其罪也乃立孝王太子

壽爲齊王是爲懿王續齊後而膠西膠東濟南菑川王  
咸誅滅地入于漢徙濟北王王菑川齊懿王立二十二  
年卒子次景立是爲厲王齊厲王其母曰紀太后太后

取其弟紀氏女爲厲王后王不愛紀氏女太后欲其家

重寵

索隱重直龍反謂  
欲世寵貴於王宮

令其長女紀翁主入王宮

索隱如淳

云諸王女云翁主稱其  
母姓故謂之紀翁主

正其後宮毋令得近王欲令愛

紀氏女王因與其姊翁主姦齊有宦者徐甲入事漢皇

太后

索隱謂王太  
后武帝母也

皇太后有愛女曰修成君修成君非

劉氏

集解張晏曰王太  
后前嫁金氏所生

太后憐之修成君有女名娥太

后欲嫁之於諸侯宦者甲乃請使齊必令王上書請娥

皇太后喜使甲之齊是時齊人主父偃知甲之使齊以  
取后事亦因謂甲卽事成幸言偃女願得充王後宮甲  
既至齊風以此事紀太后大怒曰王有后後宮具備且

甲齊貧人急

集解徐廣曰一作及

乃爲宦者入事漢無補益乃欲

亂吾王家且主父偃何爲者乃欲以女充後宮徐甲大  
窮還報皇太后曰王已願尙娥然有一害恐如燕王燕  
王者與其子昆弟姦新坐以死亡國故以燕感太后太  
后曰無復言嫁女齊事事浸溇不得聞於天子主父偃  
由此亦與齊有郤主父偃方幸於天子用事因言齊臨  
菑十萬戶市租千金

案隱市租謂所賣之物出租日  
得千金言齊人衆而且富也

人

衆殷富巨於長安此非天子親弟愛子不得王此今齊  
王於親屬益疎乃從容言呂太后時齊欲反吳楚時孝  
王幾爲亂今聞齊王與其姊亂於是天子乃拜主父偃  
爲齊相且正其事主父偃旣至齊乃急治王後宮宦者  
爲王通於姊翁主所者令其辭證皆引王王年少懼大  
罪爲吏所執誅乃飲藥自殺絕無後是時趙王懼主父  
偃一出廢齊恐其漸疎骨肉乃上書言偃受金及輕重  
之短索隱謂偃挾齊不娶女之恨因言齊之短爲輕重之辭蓋言臨菑富及吳楚孝王時事是也天  
子亦旣囚偃公孫弘言齊王以憂死毋後國入漢非誅  
偃無以塞天下之望遂誅偃齊厲王立五年死毋後國

入于漢齊悼惠王後尚有二國城陽及菑川菑川地比齊天子憐齊爲悼惠王冢園在郡割臨菑東環悼惠王冢園邑盡以予菑川以奉悼惠王祭祀城陽景王章齊悼惠王子

正義

年表云都莒也

以朱虛侯與大臣共誅諸呂而章

身首先斬相國呂王產於未央宮孝文帝旣立益封章

二千戶賜金千斤孝文二年以齊之城陽郡立章爲城

陽王立二年卒子喜立是爲共王共王八年徙王淮南

索隱

當孝文帝之十二年也正義年表云都陳也

四年復還王城陽凡三十三

年卒子建延立是爲頃王頃王二十八年卒子義立是爲敬王敬王九年卒子武立是爲惠王惠王十一年卒

子順立是爲荒王荒王四十六年卒子恢立是爲戴王

集解徐廣曰甘露二年戴王八年卒子景立至建始三年十五歲

卒正義建始成帝年號從建始四年上至天漢四年六十七矣蓋褚先生次之濟北王興居

齊悼惠王子正義都濟州也以東牟侯助大臣誅諸呂功少及

文帝從代來興居曰請與太僕嬰入清宮廢少帝共與

大臣尊立孝文帝孝文帝二年以齊之濟北郡立興居

爲濟北王與城陽王俱立立二年反始大臣誅呂氏時

朱虛侯功尤大許盡以趙地王朱虛侯盡以梁地王東

牟侯及孝文帝立聞朱虛東牟之初欲立齊王故絀其

功及二年王諸子乃割齊二郡以王章興居章興居自



以失職奪功章死而興居聞匈奴大入漢漢多發兵使丞相灌嬰擊之文帝親幸太原以爲天子自擊胡遂發兵反於濟北天子聞之罷丞相及行兵皆歸長安使棘蒲侯柴將軍擊破虜濟北王

集解張晏曰柴武

王自殺地入于

漢爲郡後十二年文帝十六年復以齊悼惠王子安都

侯志爲濟北王

集解地理志安都闕城在濰州高陽縣西南三十九里

安都故十一

年吳楚反時志堅守不與諸侯合謀吳楚已平徙志王菑川濟南王辟光齊悼惠王子

正義齊音壁都濟南郡

以勒侯孝

文十六年爲濟南王

集解地理志勒漢書作勃皆音力

十一年

與吳楚反漢擊破殺辟光以濟南爲郡地入于漢菑川

王賢齊悼惠王子

正義年表云菑川王都劇故城在青州壽光縣西三十一里

以武

城侯文帝十六年爲菑川王

案隱按地理志縣名屬平原也正義具州縣

十

一年與吳楚反漢擊破殺賢天子因徙濟北王志王菑

川志亦齊悼惠王子以安都侯王濟北菑川王反毋後

乃徙濟北王王菑川凡立三十五年卒諡爲懿王子建

代立是爲靖王二十年卒子遺代立是爲頃王三十六

年卒子終古立是爲思王二十八年卒子尙立是爲孝

王五年卒子橫立至建始三年十一歲卒

正義亦褚少孫次之

膠

西王邛齊悼惠王子

正義邛五郎反年表云都高苑括地志云高苑故城在淄州長山縣

北四里

以昌平侯文帝十六年爲膠西王

正義括地志云昌平故城在幽

州東南六十里也 十一年與吳楚反漢擊破殺邛地入于漢爲

膠西郡膠東王雄渠齊悼惠王子 正義年表云都卽墨按卽墨故城在萊州

膠東縣南六十里 以白石侯文帝十六年爲膠東王 索隱地理志縣名屬

金城 正義白石古城在德州安德縣北二十里 十一年與吳楚反漢擊破殺雄

渠地入于漢爲膠東郡

太史公曰諸侯大國無過齊悼惠王以海內初定子弟少激秦之無尺土封故大封同姓以填萬民之心及後

分裂固其理也

索隱述贊曰漢矯秦制樹屏自彊表海大國悉封齊王呂后肆怒乃獻城陽哀王嗣立其力不量朱虛仕漢功大策長東牟受賞稱亂貽殃膠東濟北雄渠辟光齊雞七國忠孝者昌

乾隆四年校刊

史記卷五十二世家

十二

史記卷五十二

史記卷五十二考證

齊悼惠王世家懿王子次景立是爲厲王○年表作次

昌

脩成君有女名娥太后欲嫁之於諸侯○臣照按褚先

生補外戚世家云脩成君女一人徐廣以爲嫁淮南  
者也年表齊厲王以元朔二年薨徐甲謀請娥事自  
在是年以前而淮南傳謝歸脩成君女在元朔三五  
間蓋娥嫁齊不售嫁淮南又離絕也

史記卷五十二考證

史記卷五十三

漢 太 史 令 司馬遷 撰

宋 中 郎 外 兵 曹 參 軍 裴 駰 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

蕭相國世家第二十三

索隱 蕭相國曹相國留侯絳侯

五宗三王六篇可合爲一篇

蕭相國何者沛豐人也索隱 春秋緯蕭何感以文無害

爲沛主吏掾集解 駰案漢書音義曰文無害有文無所

曰無害者如言無比陳留間語也索隱 裴注已列數家

今更引二說應劭云雖爲吏而不刻害韋昭云爲有文



理無傷害也漢書云何爲主吏主吏功曹也又云何爲沛掾是何爲功曹掾高祖爲布衣時

何數以吏事護高祖

索隱說文云護救視也

高祖爲亭長常左右

之高祖以吏繇咸陽吏皆送奉錢三何獨以五

集解李奇曰或

三百或五百也索隱奉音扶用反謂資俸之如字讀謂奉送之也劉氏云時錢有重者一當百故有送錢三者

秦御史監郡者與從事常辨之

集解張晏曰何與共事脩辨明何素有方略也

蘇林曰辟何與從事也秦時無刺史以御史監郡索隱何與御史從事常辨明言稱職也

何乃給泗

水卒史

集解徐廣曰沛縣有泗水亭秦以沛爲泗水郡駟按文穎曰何爲泗水郡卒史索隱如淳按律

郡卒史書佐各十人也卒祖忽反

事第一

索隱謂課最居第一

秦御史欲八言徵

何何固請得毋行及高祖起爲沛公何常爲丞督事

索隱

謂高祖起沛令何爲丞常監督庶事也

沛公至咸陽諸將皆爭走金帛財

物之府分之

秦隱走音奏奏者趨向之也

何獨先人收秦丞相御史

律令圖書藏之沛公爲漢王以何爲丞相項王與諸侯屠燒咸陽而去漢王所以具知天下阨塞戶口多少疆

弱之處民所疾苦者以何具得秦圖書也何進言韓信

漢王以信爲大將軍語在淮陰侯事中漢王引兵東定

三秦何以丞相留收巴蜀填撫諭告使給軍食漢二年

漢王與諸侯擊楚何守關中侍太子治櫟陽爲法令約

東立宗廟社稷宮室縣邑輒奏上可許以從事卽不及

奏上輒以便宜施行上來以聞

樂解應劭曰上來還乃以所爲聞之

關中

事計戶口轉漕給軍

秦隱轉劉氏音張戀反漕水運也

漢王數失軍遁

去何常與關中卒輒補缺上以此專屬任何關中事漢三年漢王與項羽相距京索之間上數使使勞苦丞相鮑生謂丞相曰王暴衣露蓋數使使勞苦君者有疑君心也爲君計莫若遣君子孫昆弟能勝兵者悉詣軍所上必益信君於是何從其計漢王大說漢五年旣殺項羽定天下論功行封羣臣爭功歲餘功不決高祖以蕭

何功最盛封爲鄼侯

文穎曰音贊瓚曰今南陽鄼縣也孫檢曰有二縣音字多亂其

屬沛郡者音嗟屬南陽者音讚按茂陵書蕭何國在南陽宜呼讚今多呼嗟嗟舊字作鄼今皆作鄼所由亂也

瓚云今南陽鄼縣顧氏云南陽郡名也太康地理志云魏武帝建安中分南陽立南鄉郡晉武帝改曰順

陽郡是也所食邑多功臣皆曰臣等身被堅執銳多者百餘

戰少者數十合攻城略地大小各有差今蕭何未嘗有汗馬之勞徒持文墨議論不戰顧反居臣等上何也高帝曰諸君知獵乎曰知之知獵狗乎曰知之高帝曰夫獵追殺獸兔者狗也而發蹤指示獸處者人也今諸君徒能得走獸耳功狗也至如蕭何發蹤指示功人也且諸君獨以身隨我多者兩三人今蕭何舉宗數十人皆隨我功不可忘也羣臣皆莫敢言列侯畢已受封及奏位次皆曰平陽侯曹參身被七十創攻城略地功最多宜第一上已撓功臣多封蕭何

集解應劭曰撓屈也緊隱音女教反

至位

次未有以復難之然心欲何第一關內侯鄂君進曰

緊

功臣表鄂千  
秋封安平侯

羣臣議皆誤夫曹參雖有野戰略地之功

此特一時之事夫上與楚相距五歲常失軍亡衆逃身  
遁者數矣然蕭何常從關中遣軍補其處非上所詔令  
召而數萬衆會上之乏絕者數矣夫漢與楚相守滎陽  
數年軍無見糧蕭何轉漕關中給食不乏陛下雖數亡  
山東蕭何常全關中以待陛下此萬世之功也今雖亡  
曹參等百數何缺於漢漢得之不必待以全奈何欲以  
一旦之功而加萬世之功哉蕭何第一曹參次之高祖  
曰善於是乃令蕭何賜帶劍履上殿入朝不趨上曰吾  
聞進賢受上賞蕭何功雖高得鄂君乃益明於是因鄂

君故所食關內侯邑封爲安平侯

集解徐廣曰以謁者從定諸侯有功秩舉

蕭何功故因侯二千戶封九年卒至玄孫但坐與淮南王安通棄市國除

正義

括地志云澤州安平縣本漢安

平是日悉封何父子兄弟十餘人皆有食邑乃益封何

二千戶以帝嘗繇咸陽時何送我獨贏奉錢二也

索隱謂人

皆三何獨五所以爲贏二也音盈漢十一年陳豨反高祖自將至邯鄲

未罷淮陰侯謀反關中呂后用蕭何計誅淮陰侯語在

淮陰事中上已聞淮陰侯誅使使拜丞相何爲相國益

封五千戶令卒五百人一都尉爲相國衛諸君皆賀召

平獨弔召平者故秦東陵侯秦破爲布衣貧種瓜於長

安城東瓜美故世俗謂之東陵瓜從召平以爲名也召

平謂相國曰禍自此始矣上暴露於外而君守於中非被矢石之事而益君封置衛者以今者淮陰侯新反於中疑君心矣夫置衛衛君非以寵君也願君讓封勿受悉以家私財佐軍則上心說相國從其計高帝乃大喜漢十二年秋黥布反上自將擊之數使使問相國何爲相國爲上在軍乃拊循勉力百姓悉以所有佐軍如陳豨時客有說相國曰君滅族不久矣夫君位爲相國功第一可復加哉然君初入關中得百姓心十餘年矣皆附君常復孳孳得民和上所爲數問君者畏君傾動關中今君胡不多買田地賤贖貸以自汗

正義贖音世又食夜反賒也貸

天待反

上心乃安於是相國從其計上乃大說上罷布軍

歸民道遮行上書言相國賤彊買民田宅數千萬上至

相國謁上笑曰夫相國乃利民

案隱謂相國取入田宅以爲己利故云乃利人

也所以令相國自謝之

民所上書皆以與相國曰君自謝民相國

因爲民請曰長安地狹上林中多空地棄願令民得入

田毋收橐爲禽獸食

案隱苗子還種田人留橐入官

上大怒曰相國多

受賈人財物乃爲請吾苑乃下相國廷尉械繫之數日

王衛尉侍

集解如淳曰百官公卿表衛尉王氏無名字

前問曰相國何大罪

陛下繫之暴也上曰吾聞李斯相秦皇帝有善歸主有

惡自與今相國多受賈豎金而爲民請吾苑以自媚於



民故繫治之王衛尉曰夫職事苟有便於民而請之真  
宰相事陛下柰何乃疑相國受賈人錢乎且陛下距楚  
數歲陳豨黥布反陛下自將而往當是時相國守關中  
搖足則關以西非陛下有也相國不以此時爲利今乃  
利賈人之金乎且秦以不聞其過亡天下李斯之分過  
又何足法哉

集解韋昭曰用意淺

李斯歸惡而自子是分過也陛下何疑宰相之淺也

老素恭謹入徒跣謝高帝曰相國休矣相國爲民請苑  
吾不許我不過爲桀紂主而相國爲賢相吾故繫相國  
欲令百姓聞吾過也何素不與曹參相能及何病孝惠

自臨視相國病因問曰君卽百歲後誰可代君者對曰  
知臣莫如主孝惠曰曹參何如何頓首曰帝得之矣臣  
死不恨矣何置田宅必居窮處爲家不治垣屋曰後世

賢師吾儉不賢毋爲勢家所奪孝惠二年相國何卒

集解

駟案東觀漢記云蕭何墓在長陵東司馬門道北百步  
正義括地志云蕭何墓在雍州咸陽縣東北三十七里

諡爲文終侯集解徐廣曰功臣表蕭何以客初起從也後嗣以罪失侯者四

世絕天子輒復求何後封續鄴侯功臣莫得比焉

太史公曰蕭相國何於秦時爲刀筆吏錄錄未有奇節

索隱錄及漢興依日月之末光何謹守管籥因民之疾

奉法順流與之更始淮陰黥布等皆以誅滅而何之勲

爛焉位冠羣臣聲施後世與閔夭散宜生等爭烈矣

索隱述贊曰蕭何爲吏文而無害及佐興王舉宗從沛關中旣守轉輸是賴漢軍屢疲秦兵必會約法可久收圖可大指獸發蹤其功實最政稱畫一居乃非秦繼絕寵勤式旌礪帶

史記卷五十三

史記卷五十三考證

蕭相國世家吏皆送奉錢三何獨以五○

臣照

按李奇

曰或三百或五百索隱則謂時有當百錢疑皆非也  
文明曰奉錢則是就其本奉十之三爲贈而何獨以  
奉十之五耳

何獨先人收秦丞相御史律令圖書藏之○人一本作  
入

封爲鄴侯集解文穎曰音贊瓚曰今南陽鄴縣也孫檢  
曰有二縣音字多亂其屬沛郡者音嗟屬南陽者音  
讚按茂陵書蕭何國在南陽宜呼讚今多呼嗟嗟舊

史記卷五十三考證  
字作鄗今皆作鄗所由亂也索隱瓚云今南陽鄗縣  
顧氏云南陽郡名也太康地理志云魏武帝建安中  
分南陽立南鄉郡晉武帝改曰順陽郡是也○資暇  
錄曰漢相蕭何封爲鄗侯舉代呼爲噉有呼贊者則  
反掩口而陞深可訝也鄒氏分明云屬沛郡者音噉  
屬南陽者音贊又茂陵書云蕭何國在南陽合二家  
之說音贊不音噉明矣司馬貞誠知音贊不能痛爲  
指揮將來而但云字當音贊今多呼爲噉遂使後學  
見今呼爲噉字咸曰且宜從衆是誤也

史記卷五十四

漢 太 史 令司馬遷 撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

曹相國世家第二十四

平陽侯曹參者

正義晉州城卽平陽故城也

沛人也

集解張華曰曹參字敬伯索隱

地理志云平陽縣屬河東春秋緯及博物志並云曹參字敬伯

正義按沛今徐州縣也秦時爲沛

獄掾而蕭何爲主吏居縣爲豪吏矣高祖爲沛公而初

起也參以中涓從

集解駙案漢書音義曰中涓如中謁者索隱涓音古玄反將擊胡

陵

正義縣名在方與南

索隱地理志二縣皆屬山陽  
正義胡

兖州縣也攻秦監公軍

集解駟案漢書音義曰監御史監郡者公名秦一郡置守尉監三人  
索隱

本紀泗川監名平則平是名公為相尊之稱

大破之東下薛擊泗水守軍薛

郭西復攻胡陵取之徙守方與方與反為魏擊之

正義

擊方與

豐反為魏攻之

索隱時雍齒守豐為魏反沛公

賜爵七大夫擊秦

司馬胤

正義

軍碭東破之取碭狐父

集解徐廣曰伍被曰吳鼻敗於狐父

索隱地理志碭屬梁國狐父地名在梁碭之間徐氏引伍被云吳鼻敗於狐父是吳與梁相拒而敗處  
正義括

地志云狐父亭在宋州碭山縣東南三十里

祁善置

集解文穎曰善置置名也晉灼曰祁音抵孫檢

日漢謂驛曰置善名也  
索隱司馬彪郡國志穀熟有祁亭劉氏音遲又如字善置置名漢為驛置館  
正義括地

志云故祁城在宋州下邑縣東北四十九里漢祁城縣也言取碭狐父及祁縣之善置

又攻下邑

以西至虞

索隱地理志下邑虞皆屬梁國**正義**宋州下邑縣在州東百一十里漢下邑城今碭山縣

是虞城縣在州北五十里古虞國商均所封擊章邯車騎攻爰戚及亢父

徐廣曰宣帝時有爰戚侯**索隱**蘇林云爰戚縣名屬山陽功臣表爰戚侯趙成地理志云亢父縣名屬東平

義威音寂劉音七歷反今在兗州南近亢父縣括地志亢父故城在兗州任城縣南五十里先登遷

爲五大夫北救東阿

索隱時章邯圍田榮於東阿**正義**今濟州東阿也擊章邯

軍陷陳追至濮陽攻定陶取臨濟

正義淄州高苑縣西北二里北狄故城安

帝改曰臨濟南救雍丘擊李由軍破之殺李由虜秦候一人

秦將章邯破殺項梁也沛公與項羽引而東楚懷王以

沛公爲碭郡長將碭郡兵於是乃封參爲執帛

集解張晏曰孤

卿也或曰楚官名號曰建成君

索隱地理志建遷爲戚公

索隱遷參



爲威令正義卽爰威縣也是時屬沛郡屬碭郡其後從攻東郡尉軍破之

成武南

索隱地理志成武縣屬山陽

擊王離軍成陽南

索隱地理志縣名在濟陰

成地名周武王封弟季載於成其後代遷於成之陽故曰成陽正義成陽故城濮州雷澤縣是

復攻之

杠里大破之追北西至開封擊趙賁軍破之

索隱賁音奔

圍

趙賁開封城中西擊秦將楊熊軍於曲遇破之

集解徐廣曰在

中牟索隱曲丘羽反遇牛凶反正義司馬彪郡國志云中牟有曲遇聚按中牟鄭州縣也

虜秦司馬

及御史各一人遷爲執珪

集解張晏曰侯伯執珪以朝位比之如淳曰呂氏春秋得

伍員者位執珪古爵名

從攻陽武

正義括地志云陽武故城在鄭州陽武縣東北十八里漢陽武

縣城

下轅轅緱氏

索隱地理志陽武緱氏二縣屬河南轅轅道名在緱氏南正義緱氏洛州

縣也括地志云轅轅故關在洛州緱氏縣東南四十里十三州志云轅轅道凡十二曲險道也

絕河津

**正義** 津濟渡處括地志云平陰故津在洛州洛陽縣東北五十里 **還擊趙賁軍尸北破**

**之** **集解** 徐廣曰尸在偃師孟康曰尸鄉北 **正義** 破趙賁軍於尸鄉之北也括地志云尸鄉亭在洛州偃師縣

在洛州東南也 **從南攻犇與南陽守齡戰陽城郭東陷陳** **集解**

曰陽城在南陽應劭云今堵陽 **索隱** 堵陽是南陽之縣 **正義** 陷南陽守於陽城郭東也 **取宛虜齡**

**盡定南陽郡從西攻武關峽關取之** **正義** 括地志云故武關在商州商洛

縣東九十里藍田關在雍州藍田縣東南九十里即秦峽關也 **前攻秦軍藍田南** **正義**

藍田縣在州東南八十里因藍田山為名 **又夜擊其北秦軍大破遂至咸陽**

**滅秦項羽至以沛公為漢王漢王封參為建成侯從至**

**漢中** **正義** 梁州 **遷為將軍從還定三秦初攻下辯故道**

**索隱** 辯音皮莧反 **正義** 括地志云成州同谷縣本漢下辯道又云鳳州兩當縣本漢故道縣在州西五十里

雍棨

索隱地理志云縣名 **正義**屬右扶風棨音胎一作郃音貽括地志云故雍縣南七里故棨城一名武

功縣西南二十里古郃國也 **擊章平軍於好時南破之**

正義括地志云好時城在

雍州好時縣東南十三里

**圍好時取壤鄉**

集解文穎曰地名

**擊三秦軍壤東**

及高櫟破之

索隱櫟音歷按文穎云壤鄉高櫟皆地名在右扶風今其地闕 **正義**皆村邑名壤鄉

今在雍州武功縣東南二十餘里高壤坊是高櫟近壤鄉也

**復圍章平章平出好時**

走因擊趙賁內史保軍破之東取咸陽更命曰新城

索隱

漢書高帝元年咸陽名新城武帝改名曰渭城

**參將兵守景陵**

集解駟案漢書音義曰縣名也

二十日三秦使章平等攻參參出擊大破之賜食邑於

寧秦

集解蘇林曰今華陰

**參以將軍引兵圍章邯於廢丘**

正義周曰犬丘

秦更名廢丘漢更名槐里今故城在雍州始平縣東南十里

**以中尉從漢王出臨晉**

**關**正義卽蒲津關也在臨晉縣故言臨晉關今在同州也

至河內下修武

正義今懷州獲

嘉縣古**渡圍津**集解徐廣曰東郡白馬有圍津索隱顧

修武也

氏按水經註白馬津有韋鄉韋津城圍

與韋同古今字變爾正義括地志云黎陽津一名白馬津在滑州白馬縣北三十里帝王世紀云白馬縣南有

韋城故豕韋國也續漢書郡國志云白馬縣有韋城

東擊龍且項他定陶破之東

取碭蕭彭城正義徐州二縣擊項籍軍漢軍大敗走參以中尉

圍取雍丘王武反於黃集解徐廣曰內黃縣有黃澤

程處反於燕

集解

徐廣曰東郡燕縣駟案漢書音義曰皆漢將

往擊盡破之柱天侯反於衍氏

索隱柱天侯不知其誰封衍氏魏邑地理志云柱天在廬江潛縣

又進破取衍氏擊羽

嬰於昆陽追至葉還攻武彊集解瓚曰武彊城在陽武

正義括地志云武彊故城

在鄭州管城縣東北三十一里

因至滎陽參自漢中爲將軍中尉從

索隱

才用 擊諸侯及項羽敗還至滎陽凡二歲高祖三年拜

為假左丞相入屯兵關中月餘魏王豹反以假左丞相

別與韓信東攻魏將軍孫遨軍東張大破之集解徐廣曰張者地

名功臣表有張侯毛澤之駟案蘇林曰屬河東索隱遨音速括地志云張陽故城一名東張城在蒲州虞

鄉縣西北 因攻安邑得魏將王襄擊魏王於曲陽正義括地

志云上曲陽定州恒陽縣是下 追至武垣集解徐廣曰

曲陽在定州鼓城縣西五里 是地理志云武垣縣屬涿郡也 生得魏王豹取平陽

正義括地志云武垣縣今瀛州城 州城是 得魏王母妻子盡定魏地凡五十二城賜食邑

平陽因從韓信擊趙相國夏說軍於鄆東大破之斬夏

說集解徐廣曰鄆縣在太原音鳥古反韓信與故常山王張耳引兵下井

徑擊成安君而令參還圍趙別將戚將軍於鄆城中戚將軍出走追斬之乃引兵詣敖倉漢王之所韓信已破趙爲相國東擊齊參以右丞相屬韓信攻破齊歷下軍

遂取臨菑還定濟北郡攻著濼陰平原鬲盧

案隱地理志著縣屬

濟南盧縣屬泰山濼陰平原鬲三縣屬平原濼音吐苔反正義括地志云平原故城在德州平原縣東南十里

故鬲城在德州安德縣西北十五里盧縣今濟州理縣是也已而從韓信擊龍且軍

於上假密

集解文穎曰或以爲高密案隱漢書亦作假密按下定齊七十縣則上假密非高密亦是

齊地今闕大破之斬龍且虜其將軍周蘭定齊凡得七十餘

縣得故齊王田廣相田光其守相許章及故齊膠東將軍田旣韓信爲齊王引兵詣陳與漢王共破項羽而參

留平齊未服者項籍已死天下定漢王爲皇帝韓信徙爲楚王齊爲郡參歸漢相印高帝以長子肥爲齊王而以參爲齊相國以高祖六年賜爵列侯與諸侯剖符世世勿絕食邑平陽萬六百三十戶號曰平陽侯除前所食邑以齊相國擊陳豨將張春軍破之黥布反參以齊相國從悼惠王將兵車騎十二萬人與高祖會擊黥布軍大破之南至蘄還定竹邑相蕭留

索隱地理志蘄竹邑相蕭四縣屬沛

韋昭云留今屬彭城則漢初亦屬沛也

正義括地志云

徐州符離縣城漢竹邑城也李奇云今竹邑也故相城在符離縣西北九十里輿地志云宋共公自睢陽徙相子城又還睢陽蕭徐州古蕭叔國城也故留城在徐州沛縣東南五十里張良所封

參功凡下二國縣一百二十二得王二

人相三人將軍六人大莫敖

集解 駟案漢書音義曰楚之卿號

郡守司

馬候御史各一人孝惠帝元年除諸侯相國法更以參爲齊丞相參之相齊齊七十城天下初定悼惠王富於春秋參盡召長老諸生問所以安集百姓如齊故俗諸儒以百數言人人殊參未知所定聞膠西有蓋公善治黃老言使人厚幣請之既見蓋公蓋公爲言治道貴清靜而民自定推此類具言之參於是避正堂舍蓋公焉其治要用黃老術故相齊九年齊國安集大稱賢相惠帝二年蕭何卒參聞之告舍人趣治行吾將入相居無何使者果召參參去屬其後相曰以齊獄市爲寄慎勿



擾也後相曰治無大於此者乎參曰不然夫獄市者所

以并容也今君擾之姦人安所容也吾是以先之

集解駟案

漢書音義曰夫獄市兼受善惡若窮極姦人無所容竄姦人無所容竄久且爲亂秦人極刑而天下畔孝武峻法而獄繁此其效也老子曰我無爲而民自化我好靜而民自正參欲以道化其本不欲擾其末

參始

微時與蕭何善及爲將相有郤至何且死所推賢唯參

參代何爲漢相國舉事無所變更一遵蕭何約束擇郡

國吏木訥於文辭重厚長者卽召除爲丞相史吏之言

文刻深欲務聲名者輒斥去之日夜飲醇酒卿大夫已

下吏及賓客見參不事事

集解如淳曰不事事丞相之事

來者皆欲有

言至者參輒飲以醇酒間之欲有所言復飲之醉而後

去終莫得開說以爲常

集解如淳曰開謂有所啟白

相舍後園近吏

舍吏舍日飲歌呼從吏惡之無如之何乃請參游園中

聞吏醉歌呼從吏幸相國召按之乃反取酒張坐飲亦

歌呼與相應和參見人之有細過專掩匿覆蓋之府中

無事參子窻

索隱音張律反

爲中大夫惠帝恠相國不治事以

爲豈少朕與

索隱少者不足之詞故胡亥亦云丞相豈少我哉蓋帝以丞相豈不是嫌少於我哉

小顏以爲我年少非也

乃謂窻曰若歸試私從容問而父曰高帝

新棄羣臣帝富於春秋君爲相日飲無所請事何以憂

天下乎然無言吾告若也

索隱謂惠帝語窻無得言我告汝令諫汝父當自云是已

也窻旣洗沐歸間侍自從其所諫參參怒而笞窻二百

曰趣入侍天下事非若所當言也至朝時惠帝讓參曰

與窋胡治乎

集解如淳曰猶言用窋爲治

窋胡何也言語參何爲治窋也

乃者我使

諫君也參免冠謝曰陛下自察聖武孰與高帝上曰朕  
乃安敢望先帝乎曰陛下觀臣能孰與蕭何賢上曰君  
似不及也參曰陛下言之是也且高帝與蕭何定天下  
法令旣明今陛下垂拱參等守職遵而勿失不亦可乎  
惠帝曰善君休矣參爲漢相國出入三年卒謚懿侯子  
窋代侯百姓歌之曰蕭何爲法韞若畫一

集解徐廣曰韞音古項反

一音較案隱漢書韞作講畫訓直又訓明言法明直若畫一也講亦作觀小顏云觀和也畫一言其法整齊也

曹參代之守而勿失載其清淨民以寧一平陽侯窋高

后時爲御史大夫孝文帝立免爲侯立二十九年卒謚爲靜侯子奇代侯立七年卒謚爲簡侯子時代侯時尚平陽公主生子襄時病癘歸國立二十三年卒謚夷侯子襄代侯襄尚衛長公主生子宗立十六年卒謚爲共侯子宗代侯征和二年中宗坐太子死國除

太史公曰曹相國參攻城野戰之功所以能多若此者以與淮陰侯俱及信已滅而列侯成功唯獨參擅其名參爲漢相國清靜極言合道然百姓離秦之酷後參與休息無爲故天下俱稱其美矣

索隱述贊曰曹參初起爲沛豪吏始從中涓先圖善置執圭執帛攻城略地衍氏旣誅昆陽失位北禽夏

說東討田既剖符定封功無與二市獄  
勿擾清淨不事尚主平陽代享其利

史記卷五十四

史記卷五十四考證

曹相國世家王武反於黃集解徐廣曰內黃縣有黃澤

○臣照按漢書作王武反於外黃以樊噲傳參看似

黃字上脫一外字

柱天侯反於衍氏索隱柱天侯不知其誰封衍氏魏邑

地理志云柱天在廬江潛縣○卮林曰柱天侯亦猶

建成侯奉春君之類假以徽稱不必指其食邑且漢

書地理志廬江灄縣天柱山在南復非柱天也是時

王武反外黃程處反燕柱天侯反衍氏服虔云皆漢

將則漢王所封也漢元年廬江屬楚又安得以楚地

封其將軍哉

擊魏王於曲陽正義括地志云上曲陽定州恒陽縣是  
下曲陽在定州鼓城縣西五里○余有丁曰此必魏  
自有曲陽定州之曲陽時屬趙

斬龍且虜其將軍周蘭○

臣照

按灌嬰傳云從韓信攻

龍且於高密身生得亞將周蘭蓋是時參嬰並隸於  
信故敘功略同而其實擒蘭者嬰也嬰傳於降彭城  
之後又云攻苦譙復得亞將周蘭蓋前此逸去嬰終  
得之

征和二年中宗坐太子死國除○

臣照

按征和出天漢

之限豈又褚先生所續乎年表亦同



史記卷五十四考證

史記卷五十五

漢 太 史 令 司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

留侯世家第二十五

留侯張良者

正義括地志云故留城在徐州沛縣東南五十五里今城內有張良廟也

其先

韓人也

索隱韋昭云留今屬彭城按良求封留以始見高祖於留故也漢書云良字子房按王符皇甫

謚並以良爲韓之公族姬姓也秦索賊急乃改姓名而韓先有張去疾及張譴恐非良之先代也良旣歷代相

韓故知其先韓人顧氏按後漢書云張良出於城父城父縣屬潁川也正義括地志云城父在汝州郟縣東三

十里韓

大父開地相韓昭侯宣惠王襄哀王

集解應劭曰大父祖

父開地名

父平相釐王悼惠王

索隱韓世家及系本並作桓惠王

悼惠王二

十三年卒卒二十歲秦滅韓良年少未宦事韓韓破

良家僮三百人弟死不葬悉以家財求客刺秦王爲韓

報仇以大父父五世相韓故

索隱謂大父及父相韓五王故云五世

良嘗

學禮淮陽

正義今陳州也

東見倉海君

集解如淳曰秦郡縣無倉海或曰東夷君長

隱姚察以武帝時東夷濊君降爲倉海郡或因以名蓋

得其近耳正義漢書武帝紀云元年東夷濊君南閩等

降爲倉海郡今貊濊國得之太史公修史時已降爲郡

自書之括地志云濊貊在高麗南新羅北東至大海西

得力士爲鐵椎重百二十斤秦皇帝東游良與客狙

服虔曰狙伺候也應劭曰狙七預反伺也徐廣曰伺候也音千怒反索隱應劭曰狙伺也一云狙伏伺也謂狙

之伺物必伏而候之  
故今云狙猴是也

擊秦皇帝博浪沙中

索隱服虔曰地在陽武南

按今浚儀西北四十里有博浪城

正義晉地理記云鄭陽武縣有博浪沙按今當官道也

誤中副車

索隱漢官儀天子屬車三十六乘屬車卽副車而奉車郎御而從後

秦皇帝大怒大索天

下求賊甚急爲張良故也良乃更名姓亡匿下邳良嘗

閒從容步游下邳圯上

集解徐廣曰圯橋也東楚謂之圯音怡嘗訓經也閒閑字

也從容閒暇也從容謂從任其容止不矜莊也邳披肩反按地理志下邳縣屬東海又云邳在薛後徙此有上邳故此云下邳李奇云上下邳人謂橋爲圯文穎云圯水上橋也應劭云圯水之上也姚察見史記本有作土旁者乃引今會稽東湖大橋名爲靈圯圯亦音夷理或然也

有一老父衣褐至良所

直墮其履圯下

索隱崔浩云直猶故也亦恐不然顧謂直言正也謂至良所正墮其履也顧謂

良曰孺子下取履良愕然欲毆之

索隱徐廣曰一云良怒欲罵之毆烏

反后爲其老彊忍下取履父曰履我良業爲取履因長跪

履之

業猶本先也謂良心先已爲取故遂跪而履之

父以足受笑而去良殊

大驚隨目之父去里所復還

集解徐廣曰一云爲其老強忍下取履因進之父以

足受笑而去良殊大驚父去里所復還

曰孺子可教矣後五日平明與我

會此良因恠之跪曰諾五日平明良往父已先在怒曰

與老人期後何也去曰後五日早會五日雞鳴良往父

又先在復怒曰後何也去曰後五日復早來五日良夜

未半往有頃父亦來喜曰當如是出一編書

集解徐廣曰編一作

篇曰讀此則爲王者師矣後十年興十三年孺子見我

濟北穀城山下黃石卽我矣

正統括地志云穀城山一名黃山在濟州東阿縣東

濟州故濟北郡孔文祥云黃石公鬚眉皆白狀杖丹黎履赤舄

日視其書乃太公兵法也

正義七錄云太公兵法一裘三卷太公姜子牙周文王師

封齊侯也

良因異之常習誦讀之居下邳爲任俠項伯嘗殺

人從良匿後十年陳涉等起兵良亦聚少年百餘人景駒自立爲楚假王在留良欲往從之道遇沛公沛公將

數千人略地下邳西遂屬焉沛公拜良爲廐將

集解駟案漢書

音義曰官名

良數以太公兵法說沛公沛公善之常用其策

良爲他人言皆不省良曰沛公殆天授

案隱殆訓近也

故遂從

之不去見景駒及沛公之薛見項梁項梁立楚懷王良乃說項梁曰君已立楚後而韓諸公子橫陽君成賢可

立爲王益樹黨項梁使良求韓成立以爲韓王以良爲

韓申徒

集解徐廣曰卽司徒耳但語音訛轉故字亦隨改

與韓王將千餘人西

略韓地得數城秦輒復取之往來爲游兵潁川沛公之  
從雒陽南出轅轅良引兵從沛公下韓十餘城擊破楊  
熊軍沛公乃令韓王成留守陽翟與良俱南攻下宛西  
入武關沛公欲以兵二萬人擊秦嶢下軍

集解徐廣曰嶢音堯良

說曰秦兵尚彊未可輕臣聞其將屠者子賈豎易動以  
利願沛公且留壁使人先行爲五萬人具食

集解徐廣曰五一作

百益爲張旗幟諸山上爲疑兵

索隱旗幟音其試

令酈食其持

重寶啗秦將秦將果畔欲連和俱西襲咸陽沛公欲聽

之良曰此獨其將欲叛耳恐士卒不從不從必危不如

因其解擊之

索隱謂卒將離心而懈怠

沛公乃引兵擊秦軍大破之

遂北至藍田再戰秦兵竟敗遂至咸陽秦王子嬰降沛

公沛公入秦宮宮室帷帳狗馬重寶婦女以千數意欲

留居之樊噲諫沛公出舍沛公不聽

集解徐廣曰一本噲諫曰沛公欲有

天下耶將欲爲富家翁邪沛公曰吾欲有天下噲曰今臣從入秦宮所觀宮室帷帳珠玉重寶鐘鼓之飾奇物不可勝極入其後宮美人婦女以千數此皆秦所以亡天下也願沛公急還霸上無留宮中沛公不聽

曰夫秦爲無道故沛公得至此夫爲天下除殘賊宜縞

素爲資

集解晉灼曰資籍也欲沛公反秦奢秦服儉素以爲藉也

今始入秦卽安其

樂此所謂助桀爲虐且忠言逆耳利於行毒藥苦口利



於病

索隱見孔子家語

願沛公聽樊噲言沛公乃還軍霸上項

羽至鴻門下欲擊沛公項伯乃夜馳入沛公軍私見張

良欲與俱去良曰臣爲韓王送沛公今事有急亡去不

義乃具以語沛公沛公大驚曰爲將奈何良曰沛公誠

欲倍項羽邪沛公曰鯁生

索隱鯁謂小魚也音趨勾反臣瓚按楚漢春秋鯁生本姓

解教我距關無內諸侯秦地可盡王故聽之良曰沛公

自度能却項羽乎沛公默然良久曰固不能也今爲奈

何良乃固要項伯項伯見沛公沛公與飲爲壽結賓婚

令項伯具言沛公不敢倍項羽所以距關者備他盜也

及見項羽後解語在項羽事中漢元年正月沛公爲漢

王王巴蜀漢王賜良金百鎰珠二斗良具以獻項伯漢

王亦因令良厚遺項伯使請漢中地

集解如淳曰本但與巴蜀故請漢中

地項王乃許之遂得漢中地漢王之國良送至襄中

括地志云襄谷在梁州襄城縣北五十里南中山昔秦欲伐蜀路無由入乃刻石爲牛五頭置金於後僞言此牛能屎金以遺蜀蜀侯貪信之乃令五丁共引牛塹山堙谷致之成都秦遂尋道伐之因號曰石牛道蜀賦以石門在漢中之西襄中之北是又云斜水源出襄城縣西北衙嶺山與襄水同源而流派漢書溝洫志云襄水通沔斜水通渭皆以行船遣良歸韓良因說漢王曰王何不燒絕所

過棧道示天下無還心以固項王意乃使良還行燒絕

棧道良至韓韓王成以良從漢王故項王不遣成之國

從與俱東良說項王曰漢王燒絕棧道無還心矣乃以

齊王田榮反書告項王項王以此無西憂漢心而發兵北擊齊項王竟不肯遣韓王乃以爲侯又殺之彭城良亡間行歸漢王漢王亦已還定三秦矣復以良爲成信侯從東擊楚至彭城漢敗而還至下邑漢王下馬踞鞍而問曰吾欲捐關以東等弃之誰可與共功者良進曰九江王黥布楚梟將與項王有郤彭越與齊王田榮反梁地此兩人可急使而漢王之將獨韓信可屬大事當一面卽欲捐之捐之此三人則楚可破也漢王乃遣隨何說九江王布而使人連彭越及魏王豹反使韓信將兵擊之因舉燕代齊趙然卒破楚者此三人力也張良

多病未嘗特將也常爲畫策臣時時從漢王漢三年項羽急圍漢王滎陽漢王恐憂與酈食其謀撓楚權食其曰昔湯伐桀封其後於杞武王伐紂封其後於宋今秦失德棄義侵伐諸侯社稷滅六國之後使無立錐之地陛下誠能復立六國後世畢已受印此其君臣百姓必皆戴陛下之德莫不鄉風慕義願爲臣妾德義已行陛下南鄉稱霸楚必斂衽而朝漢王曰善趣刻印先生因行佩之矣食其未行張良從外來謁漢王方食曰子房前客有爲我計撓楚權者具以酈生語告於子房曰何如良曰誰爲陛下畫此計者陛下事去矣漢王曰何哉

張良對曰臣請藉前箸爲大王籌之

集解張晏曰求借所食之箸用指畫

也或曰前世湯武著明之事以籌度今時之不若也

曰昔者湯伐桀而封其後於

杞者度能制桀之死命也今陛下能制項籍之死命乎

曰未能也其不可一也武王伐紂封其後於宋者度能

得紂之頭也今陛下能得項籍之頭乎曰未能也其不

可二也武王入殷表商容之間

集解崔浩云表者標榜其里門商容紂時賢人

也韓詩外傳曰商容執羽籥馮於馬徒欲以化紂而不能遂去伏於太行山武王欲以爲三公固辭而不受餘

解在商紀釋箕子之拘

集解徐廣曰釋一作式拘一作囚

封比干之墓今陛

下能封聖人之墓表賢者之閭式智者之門乎曰未能

也其不可三也發鉅橋之粟散鹿臺之錢以賜貧窮今

陛下能散府庫以賜貧窮乎曰未能也其不可四矣殷

事已畢偃革爲軒

集解如淳曰革者革車也軒者赤轂乘軒也偃武備而治禮樂也

林云革者兵車也軒者朱軒皮軒也謂廢兵車而用乘車也說文云軒曲周屏車

倒置干戈覆

以虎皮以示天下不復用兵今陛下能偃武行文不復

用兵乎曰未能也其不可五矣休馬華山之陽示以無

所爲今陛下能休馬無所用乎曰未能也其不可六矣

放牛桃林之陰

索隱晉灼云在弘農南門鄉谷中應劭十三州記弘農有桃丘聚古桃林也山

海經云夸父之山北有桃林廣三百里

以示不復輸積今陛下能放牛不

復輸積乎曰未能也其不可七矣且天下游士離其親

戚棄墳墓去故舊從陛下游者徒欲日夜望咫尺之地

今復六國立韓魏燕趙齊楚之後天下游士各歸事其  
主從其親戚反其故舊墳墓陛下與誰取天下乎其不  
可八矣且夫楚唯無彊六國立者復撓而從之

集解  
案漢書

音義曰唯當使楚無彊彊則六國弱從之  
紀此事云獨可使楚無彊彊則六國屈撓而從之又章  
昭云今無彊楚者若六國立必  
復屈撓從楚是二說之意同  
陛下焉得而臣之誠用

客之謀陛下事去矣漢王輟食吐哺罵曰豎儒幾敗而

公事

豎儒高祖罵酈生爲豎儒謂此儒生豎子耳幾  
音所幾殆近也而公高祖自謂也漢書作乃公  
令

趣銷印漢四年韓信破齊而欲自立爲齊王漢王怒張  
良說漢王漢王使良授齊王信印語在淮陰事中其秋  
漢王追楚至陽夏南戰不利而壁固陵諸侯期不至良

說漢王漢王用其計諸侯皆至語在項籍事中漢六年  
正月封功臣良未嘗有戰鬪功高帝曰運籌策帷帳中  
決勝千里外子房功也自擇齊三萬戶良曰始臣起下  
邳與上會留此天以臣授陛下陛下用臣計幸而時中  
臣願封留足矣不敢當三萬戶乃封張良爲留侯與蕭  
何等俱封六年上已封大功臣二十餘人其餘日夜爭  
功不決未得行封上在雒陽南宮從複道集解如淳曰  
複音復上下  
有道故謂之復望見諸將往往相與坐沙中語上曰此  
道韋昭云閣道  
何語留侯曰陛下不知乎此謀反耳上曰天下屬安定  
何故反乎留侯曰陛下起布衣以此屬取天下今陛下



爲天子而所封皆蕭曹故人所親愛而所誅者皆生平所仇怨今軍吏計功以天下不足徧封此屬畏陛下不能盡封恐又見疑平生過失

集解徐廣曰多作生平

及誅故卽相

聚謀反耳上乃憂曰爲之奈何留侯曰上平生所憎羣臣所共知誰最甚者上曰雍齒與我故

集解駟案漢書音義曰未起時

有故怨

數嘗窘辱我我欲殺之爲其功多故不忍留侯曰

今急先封雍齒以示羣臣羣臣見雍齒封則人人自堅矣於是上乃置酒封雍齒爲什方侯

案漢縣名屬廣漢正義括地志云雍

齒城在益州什邡縣南四十步漢什邡縣漢初封雍齒爲侯國

而急趣丞相御史定功

行封羣臣罷酒皆喜曰雍齒尚爲侯我屬無患矣劉敬

說高帝曰都關中上疑之左右大臣皆山東人多勸上

都雒陽雒陽東有城臯西有殺鼃倍河向伊雒其固亦

足恃留侯曰雒陽雖有此固其中小不過數百里田地

薄四面受敵此非用武之國也夫關中左殺函正義殺函

也在洛州永寧縣西北二十八里函正義隴山

谷關在陝州桃林縣西南十二里右隴蜀正義隴山

峴山故云沃野千里南有巴蜀之饒北有胡苑之利正義

崔浩云苑馬牧外接胡地馬生於胡故云胡苑之利阻三面而守獨以一面專制諸

侯諸侯安定河渭漕輓天下西給京師諸侯有變順流

而下足以委輸此所謂金城千里天府之國也正義此言謂者

蓋是依憑古語金城言秦有四塞之國如金城也蘇劉秦說秦惠王云秦地勢形便所謂天府是所憑也

敬說是也於是高帝即日駕西都關中

索隱周禮三日詢國遷乃爲大

事高祖即日西遷者蓋謂其日即定計非即日遂行也

留侯從入關留侯性多病

即道引不食穀

集解駟案漢書音義曰服辟穀之藥而靜居行氣

杜門不出歲

餘上欲廢太子立戚夫人子趙王如意大臣多諫爭未能得堅決者也呂后恐不知所爲人或謂呂后曰留侯善畫計策上信用之呂后乃使建成侯呂澤劫留侯曰君常爲上謀臣今上欲易太子君安得高枕而卧乎留侯曰始上數在困急之中幸用臣策今天下安定以愛欲易太子骨肉之間雖臣等百餘人何益呂澤彊要曰

爲我畫計留侯曰此難以口舌爭也顧上有不能致者

天下有四人

索隱

四人四皓也謂東園公綺里季夏黃公角里先生按陳留志云園公姓唐字宣

明居園中因以爲號夏黃公姓崔名廣字少通齊人隱居夏里脩道故號曰夏黃公角里先生河內軹人太伯之後姓周名術字元道京師號曰霸上先生一曰角里先生孔父秘記作祿里皆王劭據崔氏周氏世譜及陶潛四八目而爲此說

四人者年老矣皆以爲上慢侮人故逃匿山

中義不爲漢臣然上高此四人今公誠能無愛金玉璧

帛令太子爲書卑辭安車因使辯士固請宜來來以爲

客時時從入朝令上見之則必異而問之問之上知此

四人賢則一助也於是呂后令呂澤使人奉太子書卑

辭厚禮迎此四人四人至客建成侯所漢十一年黥布

反上病欲使太子將往擊之四人相謂曰凡來者將以存太子太子將兵事危矣乃說建成侯曰太子將兵有功則位不益太子無功還則從此受禍矣且太子所與俱諸將皆嘗與上定天下梟將也今使太子將之此無異使羊將狼也皆不肯爲盡力其無功必矣臣聞母愛

者子抱

案此語出韓子

今戚夫人日夜侍御趙王如意常抱

居前上曰終不使不肖子居愛子之上明乎其代太子位必矣君何不急請呂后承間爲上泣言黥布天下猛將也善用兵今諸將皆陛下故等夷

集解徐廣曰夷猶儕也案意如淳曰

等夷言等輩

乃令太子將此屬無異使羊將狼莫肯爲用且

使布聞之則鼓行而西耳

集解晉灼曰鼓行而西言無所畏也

上雖病彊

載輜車卧而護之諸將不敢不盡力上雖苦爲妻子自

彊於是呂澤立夜見呂后呂后承間爲上泣涕而言如

四人意上曰吾惟豎子固不足遣而公自行耳於是上

自將兵而東羣臣居守皆送至灞上留侯病自彊起至

曲郵

司馬彪曰長安縣東有曲郵聚案隱郵音尤按司馬彪漢書郡國志長安有曲郵聚今在新豐

西俗謂之郵頭漢書舊儀云五里一郵郵人居間相去二里半按郵乃今之候見上曰臣宜從

病甚楚人剽疾願上無與楚人爭鋒因說上曰令太子

爲將軍監關中兵上曰子房雖病彊卧而傅太子是時

叔孫通爲太傅留侯行少傅事漢十二年上從擊破布

軍歸疾益甚愈欲易太子留侯諫不聽因疾不視事叔孫太傅稱說引古今以死爭太子上詳許之猶欲易之及燕置酒太子侍四人從太子年皆八十有餘鬚眉皓白衣冠甚偉上恠之問曰彼何爲者四人前對各言名姓曰東園公用里先生綺里季夏黃公上乃大驚曰吾求公數歲公辟逃我今公何自從吾兒游乎四人皆曰陛下輕士善罵臣等義不受辱故恐而亡匿竊聞太子爲人仁孝恭敬愛士天下莫不延頸欲爲太子死者故臣等來耳上曰煩公幸卒調護太子

集解如淳曰調護猶營護也

四

人爲壽已畢趨去上目送之召戚夫人指示四人者曰

我欲易之彼四人輔之羽翼已成難動矣呂后真而主  
矣戚夫人泣上曰爲我楚舞吾爲若楚歌歌曰鴻鴈高  
飛一舉千里羽翮已就橫絕四海橫絕四海當可奈何

雖有贈繳

集解韋昭曰繳弋射也其矢曰贈 索隱馬融

一弦可以仰射高者故云贈也

尚安所施歌數闕

索隱音曲亢反謂曲終也說文云闕事也

戚夫人噓唏流涕上起去罷酒竟不易太子者留侯本  
招此四人之力也留侯從上擊代出奇計馬邑下

集解徐廣

日一云出奇計下馬邑

及立蕭何相國

集解騶案漢書音義曰何時未爲相國勸高祖立之

所與上從容言天下事甚衆非天下所以存亡故不著  
留侯乃稱曰家世相韓及韓滅不愛萬金之資爲韓報



警彊秦天下振動今以三寸舌爲帝者師

案春秋緯云舌在口長

三寸象斗玉衡

封萬戶位列侯此布衣之極於良足矣願棄人

間事欲從赤松子游耳

案赤松子神農時雨師能入火自燒崑崙山上隨風雨上下

也乃學辟穀道引輕身

集解徐廣曰一云乃學道引會欲輕舉也案辟音賓亦反

高帝崩呂后德留侯乃彊食之曰人生一世間如白駒

過隙何至自苦如此乎留侯不得已彊聽而食後八年

卒謚爲文成侯子不疑代侯

集解徐廣曰文成侯立十年卒子不疑代立十年

坐與門大夫吉謀殺故楚內史當死贖爲城旦國除

子房始所見下邳圯上老父

與太公書者後十三年從高帝過濟北果見穀城山下

黃石取而葆祠之

集解徐廣曰史記珍寶字皆作葆

留侯死并葬黃石

冢括地志云漢張良墓在徐州沛縣東六十五里與留城相近也每上冢伏臘祠黃

石留侯不疑孝文帝五年坐不敬國除

太史公曰學者多言無鬼神然言有物索隱物謂精性及藥物也至

如留侯所見老父子書亦可怪矣索隱詩緯云風后黃帝師又化爲老子以

書授張良父後化爲黃石亦異說耳高祖離困者數矣而留侯常有功力

焉豈可謂非天乎上曰夫運籌策帷帳之中決勝千里

外吾不如子房余以爲其人計魁梧奇偉集解應劭曰魁梧丘虛壯

大之意索隱蘇林云梧音悟蕭該云今讀爲吾非也小顏云言其可警悟於人至見其圖狀貌

如婦人好女蓋孔子曰以貌取人失之子羽索隱子羽澹臺滅明

字也仲尼弟子傳云狀貌甚惡又家語云子羽有君子之容而行不稱其貌與史記文同也留侯亦

乾隆四年校刊

索隱述贊曰留侯倜儻志懷憤惋五代相韓一朝歸  
漢進履宜假運籌神算橫陽既立申徒作扞灞上扶  
危固陵靜亂人稱三傑辯推八難赤松  
願遊白駒難絆嗟彼雄略曾非魁岸

史記卷五十五

史記卷五十五考證

留侯世家留侯張良者其先韓人也索隱按王符皇甫  
謐並以良爲韓之公族姬姓也秦索賊急乃改姓名  
而韓先有張去疾及張譴恐非良之先代也○困學  
紀聞曰張良張仲三十代孫張老十七代孫張氏譜  
云仲見詩老見春秋禮記

孺子見我濟北穀城山下黃石卽我矣正義孔文祥云  
黃石公鬚眉皆白狀杖丹藜履赤鳥○臣照按狀字  
疑衍因下杖字而誤

沛公曰鯁生○一本此下有集解徐廣曰呂靜曰鯁魚

也音此垢反共十三字

放牛桃林之陰索隱應劭十三州記弘農有桃丘聚古

桃林也○

臣照

按十三州記乃闕駟所作見水經注

及隋唐志索隱云應劭疑誤否則應劭下有一日字

於是上廼置酒封雍齒爲什方侯○

臣照

按王世貞云

功臣年表曹參至陳平九人皆以十二月甲申封張

良至陳豨十三人以正月丙午封周竈以丁未封丁

復以戊申封呂青以壬子封雍齒始與郭蒙以戊午

封而諸將陳武等以三月丙申庚子等日繼封然則

曹參諸公遠者先三十四日而沙中偶語之輩僅陳

武輩二十餘人耳此曹非有大功何敢偶語意者歸  
美留侯之謚談未必實也臣竊謂世貞之言過矣夫

良豈與沙中偶語者共謀而知之如是晰乎亦審乎

天下之大機大勢而知其必有是耳匹夫匹婦一能

勝予况陳武輩二十餘人陳豨且反世貞又何以能

保陳武輩不反且論功行賞自有次第豈盡裂土而

封之不封而受賞者又豈止陳武輩二十餘人且良

所謂謀反者甚言之耳心所不向卽爲反萌良豈告

人反以圖己功哉書生妄疑古人所爲好事之過也

天下有四人索隱四人四皓也云云○

臣照

按漢書王

貢傳序曰漢興有園公綺里季夏黃公角里先生顏  
師古注曰四皓稱號本起於此更無姓名可稱蓋隱  
居之人匿跡遠害不自標顯秘其氏族故史傳無得  
而詳至于後代皇甫謐之徒及諸地理書說競爲四  
人施安姓氏自相錯互語又不經班氏不載於書諸  
家皆臆說今並棄略一無取焉臣謂師古之見卓矣  
索隱所引陳留志有姓名者又止三人無綺里季名  
字蓋有脫文而今陳留志無其書莫可考也或云姓  
朱名暉字文季恐皆臆說綺里季或云當連夏字讀  
作綺里季夏其黃公則黃爲姓顧皇甫謐高士傳已

作夏黃公陶潛聖賢羣輔錄亦然莫定其孰是也陶  
潛四八目卽聖賢羣輔錄別名四八目蓋所載如四  
佐四凶八元八愷之類四與八居多後人遂呼之爲  
四八目耳



史記卷五十五考證

史記卷五十六

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

陳丞相世家第二十六

陳丞相平者陽武戶牖鄉人也

集詳徐廣曰陽武屬魏地戶牖今爲東昏縣屬

陳留**索隱**徐廣云陽武屬魏而地理志屬河南郡蓋後陽武分屬梁國耳徐又云戶牖今爲東昏縣屬陳留與

漢書地理志同按是秦時戶牖鄉屬陽武至漢以戶牖爲東昏縣隸陳留郡也**正義**陳留風俗傳云東昏縣衛

地故陽武之戶牖鄉也括地志云東昏故城在汴州陳留縣東北九十里少時家貧好讀書

有田三十畝獨與兄伯居伯常耕田縱平使游學平爲

人長美色人或謂陳平曰貧何食而肥若是其嫂嫉平

之不視家生產曰亦食糠覈耳

集解徐廣曰覈音核駟案孟康曰麥糠中不破

者也晉灼曰覈音紇京師謂麤屑爲紇頭

有叔如此不如無有伯聞之逐其

婦而棄之及平長可娶妻富人莫肯與者貧者平亦恥

之久之戶牖富人有張負

索隱按負是婦人老宿之稱猶武負之類也然此張負旣

稱富人或恐是丈夫爾

張負女孫五嫁而夫輒死人莫敢娶平欲

得之邑中有喪平貧侍喪以先往後罷爲助張負旣見

之喪所獨視偉平平亦以故後去負隨平至其家家乃

負郭窮巷

索隱高誘註戰國策云負背郭居也

以弊席爲門然門外多有

長者車轍

索隱一作軌按言長者所乘安車與載運之車軌轍或別

張負歸謂其子

仲曰吾欲以女孫予陳平張仲曰平貧不事事一縣中

盡笑其所爲獨奈何予女乎負曰人固有好美如陳平

而長貧賤者乎卒與女爲平貧乃假貨幣以聘予酒肉

之資以內婦負誠其孫曰母以貧故事人不謹事兄伯

如事父事嫂如母

集解駟案兄伯已逐其婦此嫂疑後娶也

平旣娶張氏女

齋用益饒游道日廣里中社平爲宰

索隱其里名庫上里社者據蔡邕陳

留東昏庫上里社碑云惟斯庫里古陽武之隔鄉陳平由此社宰遂相高祖也

分肉食甚均父

老曰善陳孺子之爲宰平曰嗟乎使平得宰天下亦如

是肉矣陳涉起而王陳使周市略定魏地立魏咎爲魏

王與秦軍相攻於臨濟陳平固已前謝其兄伯

集解駟案漢書

音義曰謝語其兄往事魏

從少年往事魏王咎於臨濟魏王以為太

僕說魏王不聽人或讒之陳平亡去久之項羽略地至

河上陳平往歸之從入破秦賜平爵卿

集解張晏曰禮秩如卿不治事

項羽之東王彭城也漢王還定三秦而東殷王反楚項

羽乃以平為信武君將魏王咎客在楚者以往擊降殷

王而還項王使項悍拜平為都尉賜金二十鎰居無何

漢王攻下殷王項王怒將誅定殷者將吏陳平懼誅乃

封其金與印使使歸項王而平身間行杖劍亡渡河船

人見其美丈夫獨行疑其亡將要中當有金玉寶器目

人見其美丈夫獨行疑其亡將要中當有金玉寶器目

之欲殺平平恐乃解衣裸而佐刺船人知其無有乃

止平遂至修武降漢

集解徐廣曰漢二年

因魏無知求見漢王

集解

漢書張敞與朱邑書云陳平須魏情而後進孟康云卽無知也

漢王召入是時萬石君

奮爲漢王中涓

集解徐廣曰亦曰涓人

受平謁入見平平等七人

俱進賜食王曰罷就舍矣平曰臣爲事來所言不可以

過今日於是漢王與語而說之問曰子之居楚何官曰

爲都尉是日乃拜平爲都尉使爲參乘典護軍諸將盡

謹

音謹謹譁也音懼又音喧漢書作皆怨

曰大王一日得楚之亡卒未知

其高下而卽與同載反使監護軍長者漢王聞之愈益

幸平遂與東伐項王至彭城爲楚所敗引而還收散兵

至滎陽以平爲亞將屬於韓王信軍廣武絳侯灌嬰等咸讒陳平曰平雖美丈夫如冠玉耳其中未必有也

綱案漢書音義曰飾冠以玉光好外見中非所有

臣聞平居家時盜其嫂事魏

不容亡歸楚歸楚不中又亡歸漢今日大王尊官之令護軍臣聞平受諸將金金多者得善處金少者得惡處平反覆亂臣也願王察之漢王疑之召讓魏無知無知曰臣所言者能也陛下所問者行也今有尾生孝已之行集解如淳曰孝已高宗之子有孝行而無益於勝負之數陛下何暇用之乎楚漢相距臣進奇謀之士顧其計誠足以利國家不耳且盜嫂受金又何足疑乎漢王召讓平曰先生事

魏不中遂事楚而去今又從吾游信者固多心乎平曰  
臣事魏王魏王不能用臣說故去事項王項王不能信  
人其所任愛非諸項卽妻之昆弟雖有奇士不能用平  
乃去楚聞漢王之能用人故歸大王臣躰身來不受金  
無以爲資誠臣計畫有可采者顧大王用之使無可用  
者金具在請封輸官得請骸骨漢王乃謝厚賜拜爲護  
軍中尉盡護諸將諸將乃不敢復言其後楚急攻絕漢  
甬道圍漢王於滎陽城久之漢王患之請割滎陽以西  
以和項王不聽漢王謂陳平曰天下紛紛何時定乎陳  
平曰項王爲人恭敬愛人士之廉節好禮者多歸之至



於行功爵邑重之士亦以此不附今大王慢而少禮士

廉節者不來然大王能饒人以爵邑士之頑鈍嗜利無

恥者

集解如淳曰  
猶無廉隅

亦多歸漢誠各去其兩短襲其兩長

天下指麾則定矣然大王恣侮人不能得廉節之士顧  
楚有可亂者彼項王骨鯁之臣亞父鍾離昧龍且周殷  
之屬不過數人耳大王誠能出捐數萬斤金行反間間  
其君臣以疑其心項王爲人意忌信讒必內相誅漢因  
舉兵而攻之破楚必矣漢王以爲然乃出黃金四萬斤  
與陳平恣所爲不問其出入陳平旣多以金縱反間於  
楚軍宣言諸將鍾離昧等爲項王將功多矣然而終不

得裂地而王欲與漢爲一以滅項氏而分王其地項羽  
果意不信鍾離昧等項王旣疑之使使至漢漢王爲太  
牢具舉進見楚使卽詳驚曰吾以爲亞父使乃項王使  
復持去更以惡草具進楚使

集解駟案漢書音義曰草

煖以草具如淳云  
藁草麓惡之具也

粗也楚使歸具以報項王項王果大疑亞

父亞父欲急攻下滎陽城項王不信不肯聽亞父聞項  
王疑之乃怒曰天下事大定矣君王自爲之願請骸骨  
歸歸未至彭城疽發背而死陳平乃夜出女子二千人  
滎陽城東門楚因擊之陳平乃與漢王從城西門夜出  
去遂入關收散兵復東其明年淮陰侯破齊自立爲齊

王使使言之漢王大怒而罵陳平躡漢王

集解驕案漢書

音義曰躡謂躡漢王足

漢王亦悟乃厚遇齊使使張子房卒立信

爲齊王封平以戶牖鄉用其奇計策卒滅楚常以護軍中尉從定燕王臧荼漢六年人有上書告楚王韓信反高帝問諸將諸將曰亟發兵坑豎子耳高帝默然問陳平平固辭謝曰諸將云何上具告之陳平曰人之上書言信反有知之者乎曰未有曰信知之乎曰不知陳平曰陛下精兵孰與楚上曰不能過平曰陛下將用兵有能過韓信者乎上曰莫及也平曰今兵不如楚精而將不能及而舉兵攻之是趣之戰也竊爲陛下危之上曰

爲之奈何平曰古者天子巡狩會諸侯南方有雲夢陞

下第出僞游雲夢

蘇林云第且也小顏云但也

會諸侯於陳陳楚

之西界

陳今陳州也韓信都彭城號楚王故陳州爲楚西界也

信聞天子以好

出游其勢必無事而郊迎謁謁而陛下因禽之此特一

力士之事耳高帝以爲然乃發使告諸侯會陳吾將南

游雲夢上因隨以行行未至陳楚王信果郊迎道中高

帝豫具武士見信至卽執縛之載後車信呼曰天下已

定我固當烹高帝顧謂信曰若毋聲而反明矣武士反

接之

駟案漢書音義曰反縛兩手

遂會諸侯于陳盡定楚地還至

雒陽赦信以爲淮陰侯而與功臣剖符定封於是與平

剖符世世勿絕爲戶牖侯平辭曰此非臣之功也上曰  
吾用先生謀計戰勝剋敵非功而何平曰非魏無知臣  
安得進上曰若子可謂不背本矣乃復賞魏無知其明  
年以護軍中尉從攻反者韓王信於代卒至平城爲匈  
奴所圍七日不得食高帝用陳平奇計使單于闕氏

傑

蘇林曰闕氏音焉支如漢皇后

圍以得開高帝既出其計祕世莫得聞

闕氏音焉支如漢皇后 闕氏音焉支如漢皇后  
言其事秘世莫得而聞也此以工妙踔善故藏隱不傳  
焉子能權知斯事否吾應之曰此策乃反薄陋拙惡故  
隱而不泄高帝見圍七日而陳平往說闕氏闕氏言于  
單于而出之以是知其所用說之事矣彼陳平必言漢  
有好麗美女爲道其容貌天下無有今困急已馳使歸  
迎取欲進與單于單于見此人必大好愛之愛之則闕  
氏日以遠疎不如及其未到令漢得脫去去亦不持女

來矣關氏婦女有妬嫺之性必增惡而割去之此說簡而要及得其用則欲使神怪故隱匿不泄也劉子駿聞吾言乃立稱善焉按漢書音義應劭說此事大旨與桓論略同不知是應全取桓論或別有所聞乎今觀桓論

似本無說

高帝南過曲逆

集解

駟案地理志縣屬中山也上

其城望見其屋室甚大曰壯哉縣吾行天下獨見洛陽與是耳顧問御史曰曲逆戶口幾何對曰始秦時三萬餘戶問者兵數起多亡匿今見五千戶於是乃詔御史更以陳平爲曲逆侯盡食之除前所食戶牖其後常以護軍中尉從攻陳豨及黥布凡六出奇計輒益邑凡六益封奇計或頗祕世莫能聞也高帝從破布軍還病創徐行至長安燕王盧縮反上使樊噲以相國將兵攻之

既行人有短惡噲者高帝怒曰噲見吾病乃冀我死也  
用陳平謀而召絳侯周勃受詔牀下曰陳平亟馳傳載  
勃代噲將平至軍中卽斬噲頭二人既受詔馳傳未至  
軍行計之曰樊噲帝之故人也功多且又乃呂后弟呂  
頹之夫有親且貴帝以忿怒故欲斬之則恐後悔寧囚  
而致上上自誅之未至軍爲壇以節召樊噲噲受詔卽  
反接載檻車使詣長安而令絳侯勃代將將兵定燕反  
縣平行聞高帝崩平恐呂太后及呂頹讒怒乃馳傳先  
去逢使者詔平與灌嬰屯於滎陽平受詔立復馳至宮  
哭甚哀因奏事喪前呂太后哀之曰君勞出休矣平畏

讒之就因固請得宿衛中太后乃以爲郎中令曰傅教

孝惠

集解如淳曰傅相之傅也

是後呂頹讒乃不得行樊噲至則赦

復爵邑孝惠帝六年相國曹參卒以安國侯王陵爲右

丞相

集解徐廣曰王陵以客從起豐以廐將別守豐上東因從戰不利奉孝惠魯元出睢水中封爲雍侯

高祖八年定食安國二十二年卒諡武侯至立孫坐酎金國除陳平爲左丞相王陵者

故沛人始爲縣豪高祖微時兄事陵陵少文任氣好直言及高祖起沛入至咸陽陵亦自聚黨數千人居南陽不肯從沛公及漢王之還攻項籍陵乃以兵屬漢項羽取陵母置軍中陵使至則東鄉坐陵母欲以招陵陵母旣私送使者泣曰爲老妾語陵謹事漢王漢王長者也



無以老妾故持二心妾以死送使者遂伏劍而死項王  
怒烹陵母陵卒從漢王定天下以善雍齒雍齒高帝之  
仇而陵本無意從高帝以故晚封爲安國侯安國侯旣  
爲右丞相二歲孝惠帝崩高后欲立諸呂爲王問王陵  
王陵曰不可問陳平陳平曰可呂太后怒乃詳遷陵爲  
帝太傅實不用陵陵怒謝疾免杜門竟不朝請七年而  
卒陵之免丞相呂太后乃徙平爲右丞相以辟陽侯審  
食其爲左丞相左丞相不治常給事於中

集解孟康曰不在治處便

止宮中也

食其亦沛人漢王之敗彭城西楚取太上皇呂后  
爲質食其以舍人侍呂后其後從破項籍爲侯幸於呂

太后及爲相居中百官皆因決事呂頹常以前陳平爲高帝謀執樊噲數讒曰陳平爲相非治事日飲醇酒戲婦女陳平聞日益甚呂太后聞之私獨喜面質呂頹於陳平曰鄙語曰兒婦人口不可用顧君與我何如耳無畏呂頹之讒也呂太后立諸呂爲王陳平僞聽之及呂

太后崩平與太尉勃合謀卒誅諸呂立孝文皇帝陳平

本謀也審食其免相

集解徐廣曰審食其初以舍人起侍呂后孝惠帝於沛又從在楚封

二十五年文帝三年死子平代代二十二景帝三年坐謀反國除一本云食其免後三歲爲淮南王所殺文帝命其子平嗣侯菑川王反 孝文帝立以爲太尉勃親

辭陽近菑川平降之國除

以兵誅呂氏功多陳平欲讓勃尊位乃病謝孝文帝初

立惟平病問之平曰高祖時勃功不如臣平及誅諸呂臣功亦不如勃願以右丞相讓勃於是孝文帝乃以絳侯勃爲右丞相位次第一平徙爲左丞相位次第二賜平金千斤益封三千戶居頃之孝文皇帝旣益明習國家事朝而問右丞相勃曰天下一歲決獄幾何勃謝曰不知問天下一歲錢穀出入幾何勃又謝不知汗出沾背愧不能對於是上亦問左丞相平平曰有主者上曰主者謂誰平曰陛下卽問決獄責廷尉問錢穀責治粟內史上曰苟各有主者而君所主者何事也平謝曰主

臣

集解張晏曰若今人謝曰惶恐也馬融龍虎賦曰勇怯見之莫不主臣孟康曰主臣主羣臣也若今言人

主也韋昭曰言主臣道不敢欺也  
索隱蘇林與孟康同既古人所未了故並存兩解  
陛下不知其

驚下使待罪宰相宰相者上佐天子理陰陽順四時下  
育萬物之宜外鎮撫四夷諸侯內親附百姓使卿大夫  
各得任其職焉孝文帝乃稱善右丞相大慙出而讓陳  
平曰君獨不素教我對陳平笑曰君居其位不知其任  
邪且陛下卽問長安中盜賊數

集解駟案漢書音義曰頭數也

君欲彊

對邪於是絳侯自知其能不如平遠矣居頃之絳侯謝  
病請免相陳平專爲一丞相孝文帝二年丞相陳平卒  
諡爲獻侯子共侯買代侯二年卒子簡侯恢代侯二十  
三年卒子何代侯三十三年何坐略人妻棄市國除始

陳平曰我多陰謀是道家之所禁吾世卽廢亦已矣終不能復起以吾多陰禍也然其後曾孫陳掌以衛氏親貴戚願得續封陳氏然終不得

集解徐廣曰陳掌者衛青之子婿

太史公曰陳丞相平少時本好黃帝老子之術方其割肉俎上之時其意固已遠矣傾側擾攘楚魏之間卒歸高帝常出奇計救紛糾之難振國家之患及呂后時事多故矣然平竟自脫定宗廟以榮名終稱賢相豈不善始善終哉非知謀孰能當此者乎

索隱述贊曰曲途窮巷門多長者宰肉先均佐喪後罷魏楚更用腹心難假棄印封金刺船露髀問行歸漢委質麾下滎陽計全平城圍解推陵讓勃哀多益寡應變合權克定宗社

乾隆四年校刊

史記卷五十六世家

上

史記卷五十六

史記卷五十六考證

陳丞相世家事嫂如母集解駟案兄伯已逐其婦此嫂疑後娶也○臣照按司馬遷特載陳平兄伯逐婦事專爲下文盜嫂語明其誣耳至事兄伯如父事嫂如母固是訓辭連類而及不必有嫂乃云然裴駟必求其嫂以實之亦鑿矣

平謝曰主臣集解張晏曰若今人謝曰惶恐也馬融龍虎賦曰勇怯見之莫不主臣孟康曰主臣主羣臣也若今言人主也韋昭曰言主臣道不敢欺也索隱蘇林與孟康同既古人所未了故並存兩解○臣照按



如孟韋之說于馮唐傳之主臣更通不去自應從張  
晏作皇恐解索隱於此依違其說不若馮唐傳注之  
詳確也

曾孫陳掌以衛氏親貴戚集解徐廣曰陳掌者衛青之  
子婿○按衛將軍傳但云青姊少兒與掌通徐注或  
有錯誤

史記卷五十六考證

史記卷五十七

漢 太 史 令司馬遷 撰

宋中郎外兵曹參軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

絳侯周勃世家第二十七

絳侯周勃者沛人也其先卷人

陽 徐廣曰卷縣在滎 韋昭云屬河南

地理志亦然然則後置滎陽郡而卷隸焉音丘玄反字 林音丘權反

括地志云故卷城在鄭州原武縣西

北七里釋例地名云徙沛勃以織薄曲爲生

蘇林 曰薄一名

曲月令曰具曲植 昭云北方謂薄爲曲許慎注淮南云曲葦薄也郭璞注

方言云植懸曲柱也音直吏反

常爲人吹簫給喪事

集解如淳曰以樂喪家若俳優贊曰

吹簫以樂喪殯若樂人也

索隱左傳歌虞殯猶今挽歌類也歌者或有簫管

材官引彊

集解

漢書音義曰能引彊弓官如今挽彊司馬也

索隱晉灼云申屠嘉爲材官蹶張

高祖之爲沛公

初起勃以中涓從攻胡陵下方與方與反與戰却適

集解

書作敵適漢

攻豐擊秦軍碭東還軍留及蕭復攻碭破之

下下邑先登賜爵五大夫攻蒙虞取之

索隱二縣名地理志屬梁國

擊章邯車騎殿

集解服虔曰畧得殿兵也如淳曰殿不進也贊曰在軍後曰殿孫檢曰一說上

功曰最下功曰殿戰功曰多周勃事中有此三品與諸將俱計功則曰殿最獨捷則曰多多義見周禮故此云

擊章邯車騎殿又云先至城下爲多又云攻槐里好時最是也

定魏地攻爰戚東緡

集解

徐廣曰屬山陽索隱小顏音昏非也地理志山陽有東緡縣音旻然則戶牖之爲東緡音昏是屬陳留者音昏

屬山陽者音旻也正義緡眉貧反括地志云東緡故城漢縣也在兗州金鄉縣界

之

正義括地志云栗屬沛郡也

攻齧桑先登

索隱徐氏云在梁彭城間

擊秦軍阿

下破之

索隱謂東阿之下

追至濮陽下甄城攻都關

索隱地理志縣名屬

山陽定陶襲取宛胸

正義宛劬二音今曹州縣在州西四十七里

得單父令

正義

善甫二音宋州縣也

夜襲取臨濟攻張

集解駟案漢書音義曰攻壽張索隱地理志東郡壽

梁縣光武改曰壽張

以前至卷破之擊李由軍雍丘下攻開封先

至城下爲多

集解文穎曰勃上卒至者多如淳曰周禮戰功曰多

後章邯破殺項

梁沛公與項羽引兵東如碭自初起沛還至碭一歲二

月

索隱謂初起沛及還至碭得一歲又更二月也

楚懷王封沛公號安武侯爲

碭郡長沛公拜勃爲虎賁令

集解徐廣曰一云句盾令索隱漢書云襄賁令賁音

肥縣名屬東海徐廣又云以令從沛公定魏地攻東郡

尉於城武破之擊王離軍破之攻長社先登攻潁陽緱

氏正義緱音絕河津正義卽古平陰津在洛州洛陽縣東北五十里擊趙賁軍

尸北索隱賁音肥人姓名也尸卽尸鄉今偃師也北謂尸縣之北南攻南陽守齧破

武關嶢關破秦軍於藍田至咸陽滅秦項羽至以沛公

爲漢王漢王賜勃爵爲威武侯索隱或是封號未必縣名也從入漢

中拜爲將軍還定三秦至秦賜食邑懷德正義括地志云懷德故城

在同州朝邑縣集解如淳曰於將率之攻槐里好時最索隱地理志

二縣屬索隱地理志擊趙賁內史保於咸陽最北攻漆索隱地理志

右扶風風正義今幽州新擊章平姚卬軍索隱卬音五西定汧

平縣古漆縣也

**正義**口肩反今隴州汧源縣本漢汧縣地也

**還下郿頻陽**

**正義**郿音眉括地志云郿縣故城在

岐州郿縣東北十五里頻陽故城在宜州土門縣南三里今土門縣併入同官縣屬雍州宜州廢也

**志**郿屬右扶風頻陽屬左馮翊也

**圍章邯廢丘**

**正義**地理志槐里周曰犬丘懿王都之秦更名

廢丘高祖三年更名槐里而此云槐里者槐里據後而書之又云廢丘者以章邯本都廢丘而亡亦據舊書之

**破西丞**

**集解**徐廣曰天水有西縣**正義**括地志云西縣故城在秦州上邽縣西南九十里本漢西縣地

**破西**縣丞擊盜巴軍破之

**集解**如淳曰章邯將

**攻上邽**

**正義**音圭秦州縣也

**東守**

嶢關轉擊項籍攻曲逆最還守敖倉追項籍籍已死因

東定楚地泗川東海郡凡得二十二縣還守雒陽櫟陽

賜與潁陽侯共食鍾離

**正義**地理志縣名屬九江古鍾離子國**正義**括地志云潁陽故

城在陳州南頓縣西北鍾離故城在濠州鍾離縣東北五里

以將軍從高帝擊反者

燕王臧荼破之易下

索隱茶如字讀易水名因以爲縣在涿郡謂破茶軍於易水之下言

近水也

正義括地志云易縣故城在幽州歸義縣東南十五里燕桓侯所徙都臨易是也

所將卒當

馳道爲多

索隱小顏以當高祖所行之道或以馳道爲秦之馳道故賈山傳云秦爲馳道東窮燕齊

也賜爵列侯剖符世世勿絕食絳八千一百八十戶號

絳侯

正義括地志云絳邑城漢絳縣在絳州曲沃縣南二里或以爲秦之舊馳道也

以將軍從

高帝擊反韓王信於代降下霍人

索隱蕭該云左傳以霍陽子歸納諸霍人

杜預云晉邑也或作霍正義霍音瑣又音蘇寡反顏師古云音山寡反按霍字當作茭地理志云葭人縣屬太

原郡括地志云葭人故城在代州繁峙縣界漢葭人縣也按樊噲列傳作霍人其音亦同

以前至武

泉

集解徐廣曰屬雲中正義括地志云武泉故城在朔州北二百二十里

擊胡騎破之武

泉北轉攻韓信軍銅鞮破之

正義括地志云銅鞮故城在潞州銅鞮縣東十五里

州西六十五里在并州東南也還降太原六城正義并州縣從銅鞮還并降六城也擊韓

信胡騎晉陽下破之下晉陽後擊韓信軍於砦石破之

集解應劭曰砦音沙或曰地名索隱晉灼音赤座反正義按在樓煩縣西北追北八十里還

攻樓煩三城正義地理志云在鴈門郡括地志云在并州崞縣界因擊胡騎平城

下正義地理志云在鴈門郡括地志云在朔州定襄本漢平城縣也所將卒當馳道爲多

勃遷爲太尉擊陳豨屠馬邑所將卒斬豨將軍乘馬絺

集解徐廣曰姓乘馬索隱豨名也乘音始證反擊韓信陳豨趙利軍於樓煩破

之得豨將宋最鴈門守圉索隱圉守之名音胡困反因轉攻得雲中

守邀索隱音速正義括地志云雲中故城在勝州榆林縣東北四十里秦雲中郡丞相箕肆

將勲集解徐廣曰箕一作箕勲一作專一作轉索隱劉氏肆音如字包愷音以四反漢書勲亦作博字並

乾隆四年校刊  
已記卷五十七  
世家  
四



耳誤定鴈門郡十七縣雲中郡十二縣因復擊豨靈丘破

之靈丘故城在蔚州靈丘縣東十里漢縣也斬豨得豨

丞相程縱將軍陳武都尉高肆定代郡九縣燕王盧綰

反勃以相國代樊噲將擊下薊得綰大將抵丞相偃守

陘集解張晏曰盧綰郡守陘其名太尉弱御史大夫施屠渾都集解徐

上谷索隱施名也屠滅之也地理志渾都縣屬上谷一

云御史大夫姓施屠名渾都正義括地志云幽州昌平

縣本漢渾都縣破綰軍上蘭正義括地志云媯州懷戎復擊破

綰軍沮陽集解徐廣曰在上谷駟案服虔曰沮音阻

上谷郡故城在媯州懷戎縣東北百一正義括地志云

十里燕上谷秦因不改漢爲沮陽縣追至長城正義

邑長城亦名燕長定上谷十一縣右北平十六縣遼西

城在媯州北今是

遼東二十九縣漁陽二十二縣最從高帝

也謂總舉其

從高祖攻戰克獲之數也

得相國一人丞相二人將軍二千石各三

人別破軍二下城三定郡五縣七十九得丞相大將各

一人勃爲人木彊敦厚高帝以爲可屬大事勃不好文

學每召諸生說士東鄉坐而責之

如淳曰勃自東鄉坐責諸生說士不

以實主之禮

趣爲我語其椎少文如此

稱經書也韋昭曰椎

不撓曲直至如椎

索隱

大顏云俗謂愚爲鈍椎音直追反今按椎如字讀之謂勃召說士東向而坐責之云趣

爲我語其質樸之性以斯推之其少文皆如此

勃既定燕而歸高祖已崩矣以

列侯事孝惠帝孝惠帝六年置太尉官

徐廣曰功臣表及將相表

皆高后四年始置太尉正義下云以勃爲太尉十歲高后崩按孝惠六年高后八年崩是十年耳而功臣表及

將相表云高后四年置太尉官未詳

以勃爲太尉十歲高后崩呂祿以趙

王爲漢上將軍呂產以呂王爲漢相國秉漢權欲危劉

氏勃爲太尉不得入軍門陳平爲丞相不得任事於是

勃與平謀卒誅諸呂而立孝文皇帝其語在呂后孝文

事中文帝旣立以勃爲右丞相賜金五千斤食邑萬戶

居月餘人或說勃曰君旣誅諸呂立代王威震天下而

君受厚賞處尊位以寵久之卽禍及身矣勃懼亦自危

乃謝請歸相印上許之歲餘丞相平卒上復以勃爲丞

相十餘月上曰前日吾詔列侯就國或未能行丞相吾

所重其率先之乃免相就國歲餘每河東守尉行縣至

絳絳侯勃自畏恐誅常被甲令家人持兵以見之其後

人有上書告勃欲反

集解徐廣曰文帝四年時

下廷尉廷尉下其事

長安逮捕勃治之勃恐不知置辭吏稍侵辱之勃以干

金與獄吏獄吏乃書牘背示之

集解李奇曰吏所執簿索隱簿卽牘也故魏志

秦宓以簿擊類則亦簡牘之類也

曰以公主爲證公主者孝文帝女也

勃太子勝之尙之

集解韋昭曰尙奉也不敢言娶

故獄吏教引爲證勃

之益封受賜盡以予薄昭及繫急薄昭爲言薄太后太

后亦以爲無反事文帝朝太后以冒絮提文帝

集解徐廣曰提

音弟駟案應劭曰陌額絮也如淳曰太后恚怒遭得左右物提之也晉灼曰巴蜀異物志謂頭上巾爲冒絮

隱服虔云綸絮也提音弟又音啼非也蕭該音底提者擲也蕭音爲得恚者嗔也遭者逢也謂太后嗔乃逢冒

絮因以提帝陌音蠻陌之陌入聲  
方言云幪中南楚之間云陌額也  
日絳侯綰皇帝璽

集解

應劭曰言勃誅諸呂廢少帝手  
貫璽時尙不反況今更有異乎  
將兵於北軍不以此時

反今居一小縣顧欲反邪文帝既見絳侯獄辭乃謝曰

吏事方驗而出之於是使使持節赦絳侯復爵邑絳侯

既出曰吾嘗將百萬軍然安知獄吏之貴乎絳侯復就

國孝文帝十一年卒諡爲武侯子勝之代侯六歲尙公

主不相中

集解如淳曰猶言不相合當也

坐殺人國除絕一歲文帝乃

擇絳侯勃子賢者河內守亞夫封爲條侯

集解徐廣曰表皆作條字

駟案服虔曰莠音條

緊隱

地理志修縣屬渤海郡

正義

括地志云故蓀城俗名南條城在德州蓀縣南十二里

漢縣續絳侯後條侯亞夫自未侯爲河內守時許負相之

索隱應劭云河內溫人老嫗也姚氏按楚漢春秋高祖封負爲鳴雌亭侯是知婦人亦有封邑曰君後

三歲而侯侯八歲爲將相持國秉音柄貴重矣於人臣

無兩其後九歲而君餓死亞夫笑曰臣之兄已代父侯

矣有如卒子當代亞夫何說侯乎然既已貴如負言又

何說餓死指示我許負指其口曰有從理入口索隱從音子容

反從理此餓死法也居三歲其兄絳侯勝之有罪孝文

帝擇絳侯子賢者皆推亞夫乃封亞夫爲條侯續絳侯

後文帝之後六年匈奴大入邊乃以宗正劉禮爲將軍

軍霸上正義廟記云霸陵卽霸上按霸陵城在雍州萬年縣東北二十五里祝茲侯徐厲

爲將軍軍棘門正義孟康云秦時宮也括地志云棘門在渭北十餘里秦王門名也以河

乾隆四年校刊

內守亞夫為將軍軍細柳

正義括地志云細柳倉在雍州咸陽縣西南三十里也

以備胡上自勞軍至霸上及棘門軍直馳入將以下騎

送迎已而之細柳軍軍士吏被甲銳兵刃彀弓弩持滿

索隱彀者張也天子先驅至不得入先驅曰天子且至軍門都

尉曰將軍令曰軍中聞將軍令不聞天子之詔

索隱六韜云軍

中之事不聞君命居無何上至又不得入於是上乃使使持節

詔將軍吾欲入勞軍亞夫乃傳言開壁門壁門士吏謂

從屬車騎曰將軍約軍中不得驅馳於是天子乃按轡

徐行至營將軍亞夫持兵揖曰介冑之士不拜請以軍

禮見

應劭曰禮介者不拜索隱應劭云左傳晉卻克三肅使者而退杜預注肅若今擡鄭眾注周禮

肅拜云但俯下手今時擡是

天子爲動改容式車

索隱軾者車前橫木若上有敬則俯

身而

使人稱謝皇帝敬勞將軍成禮而去旣出軍門羣

臣皆驚文帝曰嗟乎此真將軍矣曩者霸上棘門軍若

兒戲耳其將固可襲而虜也至於亞夫可得而犯邪稱

善者久之月餘三軍皆罷乃拜亞夫爲中尉

正義漢書百官表云

中尉秦掌徵巡京師武帝太初元年更名執金吾應劭云吾者禦也掌執金吾以禦非常顏師古云金吾鳥名

主辟不祥天子出行職主先導以備非常故執此鳥之象因以名官也

孝文且崩時誡太

子曰卽有緩急周亞夫真可任將兵文帝崩拜亞夫爲

車騎將軍孝景三年吳楚反亞夫以中尉爲太尉

正義漢書

百官主云太尉秦官掌武元狩四年置大將軍大司馬卽今十二衛大將軍及兵部尙書也

東擊吳



楚因自請上曰楚兵剽輕

都尉爲畫此計亞夫從之今

此云自請者蓋此亦間疑而傳疑漢史得其實也剽音七妙反輕讀從去聲

難與爭鋒願以

梁委之

索隱謂以梁委之於吳使吳兵不得過也亦有作餒音亦通

絕其糧道乃可

制上許之太尉既會兵滎陽吳方攻梁梁急請救太尉引兵東北走昌邑深壁而守梁日使使請太尉太尉守便宜不肯往梁上書言景帝景帝使使詔救梁太尉不奉詔堅壁不出而使輕騎兵弓高侯等

韓頽當也弓高滄州

也絕吳楚兵後食道吳兵乏糧飢數欲挑戰終不出夜

軍中驚內相攻擊擾亂至於太尉帳下太尉終卧不起

項之復定後吳奔壁東南陬

集解如淳曰陬隅也音鄒又音子侯反

太

尉使備西北已而其精兵果奔西北不得入吳兵旣餓

乃引而去太尉出精兵追擊大破之吳王濞棄其軍而

與壯士數千人亡走保於江南丹徒

素隱地理志縣屬會稽正義括地志

云丹徒故城在潤州丹徒縣東南十八里漢丹徒縣也晉太康地志云吳王濞反走丹徒越人殺之於此城南徐州記云秦使赭衣鑿其地因謂之丹徒鑿處今在故縣西北六里丹徒峴東南連亘盤紆屈曲有象龍形故秦鑿絕頂濶百餘步又夾坑龍首以毀其形坑之所在卽今龍月二湖悉成田也漢兵因乘勝

遂盡虜之降其兵購吳王千金月餘越人斬吳王頭以

告凡相攻守三月而吳楚破平

正義越人卽丹徒人越滅吳丹徒地屬楚秦滅

楚後置三十六郡丹徒縣屬會稽郡故以丹徒爲越人也於是諸將乃以太尉計謀

爲是由此梁孝王與太尉有卻歸復置太尉官五歲遷

爲丞相景帝甚重之景帝廢栗太子丞相固爭之不得

景帝由此疏之而梁孝王每朝常與太后言條侯之短

實太后曰皇后兄王信可侯也景帝讓曰始南皮章武

侯

集解瓚曰南皮實彭祖太后兄子章武侯太后弟廣國

先帝不侯及臣卽位乃

侯之信未得封也實太后曰人主各以時行耳

索隱謂人主各

當其時而行事不必一一相法也

正義人主作人生自竇長君在時竟不得侯死

後乃封其子彭祖顧得侯

索隱許慎注淮南子云顧反也

吾甚恨之帝

趣侯信也景帝曰請得與丞相議之丞相議之亞夫曰

高皇帝約非劉氏不得王非有功不得侯不如約天下

共擊之今信雖皇后兄無功侯之非約也景帝默然而

止其後匈奴王徐盧等五人降景帝欲侯之以勸後丞

相亞夫曰彼背其主降陛下陛下侯之則何以責人臣

不守節者乎景帝曰丞相議不可用乃悉封徐盧等爲

列侯徐盧封容城侯亞夫因謝病景帝中三年以病免

相頃之景帝居禁中召條侯賜食獨置大馘韋昭曰馘大鬮

也音側吏反音李轉反謂肉鬮也無切肉又不置櫡條侯心不平顧

謂尙席取櫡服雜事云尙席掌武帳帷幔也櫡音筋漢

書作箸箸者食所用也留侯云借前箸以籌之禮曰羹

之有菜者用挾挾亦箸之類故鄭玄云今人謂箸爲挾

是也景帝視而笑曰此非不足君所乎孟康曰設馘

滿於君所乎嫌恨之如淳曰非故不足君之食具也偶

如淳云非故不足君之食具偶失之耳蓋當然也所以帝視而笑也若本不爲足當別有辭未必爲之笑也孟康晉灼雖探古人之情亦未必能得其實顧氏亦條侯同孟氏之說又引魏武賜荀彧虛器各記異說也

免冠謝上起條侯因趨出景帝以目送之曰此怏怏者

非少主臣也居無何條侯子爲父買工官尙方集解徐廣曰一

作西索隱工官卽尙方之工所集解徐廣甲楯五百被集解徐廣

案如淳曰工官官名也張晏曰被具也五百具甲楯可以葬者取庸苦之不予錢

庸知其盜買縣官器索隱縣官謂天子也所以謂國家爲縣官者夏官王畿內縣卽國都

也王者官天下索隱怒而上變告子事連汙條侯索隱汙音故曰縣官也

書旣聞上上下下吏吏簿責條侯集解如淳曰簿問責其情條侯不對

景帝罵之曰吾不用也集解孟康曰不用汝對欲殺之也如淳曰恐獄吏畏其復用事

不敢折辱索隱孟康如淳已備兩解大顏以孟說爲得而姚察又別一解云帝責此吏不得亞夫直辭以爲不

足任用故召亞夫別詰廷尉使責問正義景帝見條侯不對簿

也故召詰廷尉使重推劾耳餘說皆非也廷尉責曰君侯欲反邪亞夫曰臣

所買器乃葬器也何謂反邪吏曰君侯縱不反地上卽

欲反地下耳吏侵之益急初吏捕條侯條侯欲自殺夫

人止之以故不得死遂入廷尉因不食五日嘔血而死

國除絕一歲景帝乃更封絳侯勃他子堅爲平曲侯續

絳侯後十九年卒諡爲共侯子建德代侯十三年爲太

子太傅坐酎金不善元鼎五年有罪國除集解徐廣曰

金失侯者皆在元鼎五年但此辭句如有顛倒索隱紀云坐酎金不善復云元鼎五年有罪國除似重有罪故

云顛倒而漢書云爲太子太傅坐酎金免官後有罪國除其文又錯也按表坐免官至元鼎五年坐酎金又失侯所以二史記之各有不同也

侯

太史公曰絳侯周勃始爲布衣時鄙朴人也才能不過

凡庸及從高祖定天下在將相位諸呂欲作亂勃匡國

家難復之乎正雖伊尹周公何以加哉亞夫之用兵持

威重執堅忍穰苴曷有加焉足已而不學

案亞夫自以已之智謀

足而虛已不學古人所以

守節不遜

案太子不封王信徐

不體權變而動有違忤

盧等不遜謂顧尙席

取箸不對制獄是也終以窮困悲夫

索隱述贊曰絳侯佐漢質厚敦篤始擊碣東亦圍尸北所攻必取所討咸克陳豨伏誅滅荼破國事居送

往推功伏德列侯就第太尉下獄繼相  
條侯紹封平曲惜哉賢將父子代辱



史記卷五十七

史記卷五十七考證

絳侯周勃世家擊反者燕王臧荼○臣照案馬遷書反

者燕王臧荼及韓王信皆以明韓信輩之不反至本傳則從國史所書俾兩不相揜

亞夫東擊吳楚因自請上曰索隱漢書亞夫至淮陽問鄧都尉爲畫此計亞夫從之今此云自請者蓋此亦

聞疑而傳疑漢史得其實也○臣照按鄧都尉畫計

見吳王濞傳馬遷固已兩存其說矣况從人之畫究須自請索隱之說贅

坐酎金不善元鼎五年有罪國除○顧炎武曰當云元

史記卷五十七考證  
鼎五年坐酎金不善國除衍有罪二字

史記卷五十七考證